

內黃縣志卷首

目錄

卷一

地理

沿革
鎮集

疆域
村庄

山川

隄堰

渡口

營屯

卷二

建置

城池
棹榭

署廨
堡寨

郵鋪
義塚

倉庾

橋梁

井泉

卷三

古蹟

陵墓

城壘

村里

臺宇

寺觀

卷四

風土

風俗

物產

卷五

田賦

里甲 驛站

戶口 雜稅

地畝

賦稅

漕運

鹽課

卷六

學校

學宮 書院

祭儀 學田

書籍

學額

社學

義學

卷七

祠祀

壇壝

祠廟

卷八

事實記

卷九

職官表

知縣 教諭

縣丞 訓導

主簿 武營

興史

卷十

科貢表 進士 舉人 貢生 例貢

卷十一

古今人物表 薦辟 農官 武勳 封贈 恩蔭 祿仕

卷十二

列傳 上 名宦 循良

卷十三

列傳 中 鄉賢 耆舊 忠義 孝悌 義行

卷十四

列傳 下 文學 隱逸 方技 流寓 方外

卷十五

列女傳

卷十六

藝文

上

制誥

書奏

記序

卷十七

藝文

下

記序

詩賦

卷十八

志餘

雜議

舊志序跋

三
司
志
卷
十
一

今人物

薦辟

武勳

封贈

恩蔭

祿仕

農官

三代時鄉舉里選人材蔚興兩漢徵辟其風猶古然

寡民輸粟實邊格亦稍降矣魏晉重資勞南北朝重

門第登進之途未免過隘而表表人物光前裕後史

不絕書夫惟奇傑非常之士不假憑藉樹立功名雖

其氣駁而不醜顧扞衛城鄉掃除禍亂後世猶有稱

焉郡縣掾吏仕至達官近今不少概見若保介農官

克用勸勞則亦一方之老成人也爰酌更舊例次其

品目作古今人物表

表

薦碎

漢杜鄴

元壽元年舉方正直言
祀鄉賢
有傳

杜林

光武朝徵拜侍御史
仕至大司空
有傳

武勳

封贈

恩蔭

杜喬

以父林
廕任丹
水長

祿仕

官農

馬勤

光武朝
由薦舉
仕至大
司徒者
舊有傳

馬宗

襲父勤
關內侯
爵仕至
張掖屬
國郡尉

馮奮

父順勤
中子銜
平陽公
主仕至
大鴻臚
主襲
襲主
為平
侯以奉
其祀

北魏

後周

石通

侯莫陳悅

後傳系表

侯莫陳崇

後傳系表

石瞻

無子兄
勁上林
右監襄
爵勁襄
子鄭綱
延光中
為侍中
卯亮子
嗣習

(唐)馬嘉運

王要漢

木姑冉
傳系表
後子
冉閱附

貞觀中
召拜宏
文館學
士累崇
賢館學
士傳見
苑文

傳系表
後弟
王伯當
附

(宋)李符

者舊有
傳

傳疑

以子世
隆贈虞
部員外
郎

傳珏

以父世
隆廕補
三班借
職累遷

(元)

耿敬

岳旺

(金)

耿介然

傳
隱逸有

中郎贈子縣州官節南仕瑀名
工堯事昭知度東至之失
部俞以德磁推道山子考

傳
某

傳
舊有
殿直者
至右班

隱逸有傳

鐵木黎

仕至御

史中丞

河南行

省石丞

諡文貞

郝輝

任山東

濟南路

泗水縣

尹

明何顯周

看舊有傳

任忠顯衛管軍

戶千

張元道

洪武時由軍功

牛

清

彭

偉

黃

琦

以子順贈承德

以祖父廕任湖

字廷玉由增廣

傅鐸

耆舊有傳

牛順

正統年
間任戶部
浙江清吏司

主事

吳守德

由儒士
舉授國子
監博士

丁義

仕至百戶

郭銳

成化時
由軍功
仕至保衛

千戶

霍彬

由建立
武功累
陞保定
右衛千戶

劉麟

主事

李敬

以子能
封文林
郎行人

紀浩

以子振
封承德
郎戶部

王貴

以子暹
贈徵仕
郎經歷
司經歷

廣夷陵
衛鎮撫

彭敬

以祖父
廕任振
武衛左

所千戶

歷指揮

陳植

祖父官
爵失考

張廣大
以祖問
行廕授

生降吏
任陝西

巡檢

楊臣
任鹽火
使

邢鐸

見薦

石良

見薦

王道
任驛承

由賢良

方正舉

授禮部

主事

何大本

由賢良

方正舉

授知

州

袁天瑞

由賢良

方正舉

授知

州

石良

由賢良

授知

州

由徵進

有功陞

游

在河

石

名

王

由狂進

有功陞

千戶

袁

由軍士

狂討有

功進保

定後

所百

戶

以子昇

屬文林

耶堯平

縣丞

縣丞

王

以子

贈文林

郎兵馬

司副

揮

李

以子

贈文林

耶堯平

縣丞

寺

兵馬司

指揮

李

由大

廣判

廣判

問行

子早

故廕

之

名

以文

王

任大

使

李

寺

由大

初任

為

全

庫

再

州

所

三

州

任

州

任

任

任

任

任

苑監署

楊

榮

高

俊

邢鐸

由勇敢

以子登

製百戶世

由大戶

由吏幹

克樹勳

贈承禧

任慶陽

為樞吏

搜行在

積進大

郎戶部

任大

州

馬習和

孫

榮

以子

張

張

著舊有

任陝西

郎文林

任

以義

劉生楠

莊浪衛

縣知縣

任

由東

著舊有

千戶

張聚奎

任

由東

張中式

於王事

以子

孫

孫

由武生

行封文

任

鎮平

任順德

林那

任

鎮平

府威武

察御史

任

鎮平

營中軍

再贈

任

鎮平

都御史

都御史

任

鎮平

楊運

以子中
科封兵
馬司指
揮

李頤

以子
道贈文
林鄭
州府推
官

任懷紀

以子
道贈文
林鄭
州府推
官

黃光昇

任大
使

孫琦

任朱
昇
巡檢

黃祿

任大
使

董勤

由大
戶
為掾
吏
歷七
任
終永
安
縣
檢
司
致仕

劉子致

劉子光

劉子文

林郎南

曹推官

張憲甫

以子廣

大贈文

林郎兵

為司指

舞

黃流

以子吉

士魁贈

修職郎

行人司

行人加

贈監察

御史

張鳳翼

以子中

侯贈文

林耶汜

水知縣

陳謨

以孫九

疇贈刑

部左侍

郎

陳良相

古今人物表

以子九
贈刑九
部左侍

馬九苞

以子習

元贈承

德郎戶

司惟極

以子廼

疆贈奉

直大夫

工部都

水司員

外郎

國朝薦辟

武勳

封贈

恩蔭

援例

官農

陳自興

司五典

司琨

趙廷璧

榮

王三進

以子九
韶贈文

以父九
韶廕任

任湖廣
永州府

文

何廣大

林耶露
安推官

國子監
學錄仕

獄司

祥

以上三
人俱於

司九韶

至江南
淮徐道

趙廷獻

韋

順治時
由軍功

以子現
贈戶部

祀鄉賢
有傳

任湖廣
慈利縣

大

總任千

員外郎
加一級

典史

大

劉慶增

楊士興

黃勳

猷

字介眉

以孫炳
誥贈招

任山東
濱州吏

楊

以軍功
委任守

再將軍
三等侍

目耆舊
有傳

楊

古今人物表

袁朝聘

衛兼都司叅事

任保定府撫標

楊達

軍中

以子炳贈同前

甄奇

黃駿文

任八達嶺都司

以孫之徵馳贈

以勇敢克南昌

文林耶貴州思

趙周

南府葵川縣知

任貴州安龍所

縣傳見孝行

備守

黃本素

盧瑞

以子之徵贈文

劉昌選

起

任浙江嘉興縣

典史

董鏡

李

任江西鉛山縣

繹

典史

如

崔廣譽

任陝西渭源縣

老

典史

民

崔尙仁

鄭

字蘭芝

林郎貴

由總河

州慰南

旗牌任

府葵川

安東把

縣知縣

總再任

再贈承

清河干

德郎中

總擢桃

書科中

源守備

書舍人

遂寄籍

傳見隱

焉

逸

張文煇

劉慶紹

董如琅

由廩貢

以軍功

以子煇

保舉選

保薦授

馳贈修

授商邱

平樂府

職佐郎

縣訓導

通

汝州魯

升浙江

卓武臣

山縣學

常山德

訓導

清縣知

由軍功

梁學禮

遠仁衛

縣在任

保舉花

古今人物表

范倫

任江西

新建縣

烏山司

乾隆

任廣東

廉州府

鹽大使

入

奢舊有

品

戴頂

宗拔萃

任江南

海州完

濱場鹽

大使

范倫

范倫

范倫

范倫

保舉花翎知府歸部選用

翎候選游擊署滑縣營都司

以孫廷英贈贈文林郎

字惠菴先賢伯玉七十

任山東福山縣典史

張文炳字盛

袁武臣

梁慶祥

也自其父奉田

楊名登

由廩生保舉藍翎候選

由軍功保舉把總任禹州城守

以子廷英勅封文林郎

公失麥搆訟邑侯王麟

任廣東四會縣南津司巡檢

張文燿字

營把總

吳鵬程

為先賢之裔旌

劉之琦

由增生保舉藍翎國子監典籍

由軍功保舉把總署內

以孫錫田贈贈奉政大夫

其門曰君子苗裔咸豐

任廣西懷集縣武城司巡檢

董青山

吳鵬程

以孫錫田贈贈奉政大夫

十年黃

武城司巡檢

衛候選

總署內

夫

捐廉修

不

梁廷英

委歷署

以子錫田誥封

蓬公祠

任江南

梁廷英

委歷署

以子錫田誥封

蓬公祠

任江南

字俊三

由附生

千總

奉政大夫

侯芳齡

稟准世史

任內鄉

縣訓導

董玉才

刑之翰

襲奉祀

生自是

保舉知

由軍功

以子永

春秋致

祭不替

孔府典

張盡性

總署內

修職

司鎮山

李周南

字有恆

由附生

黃營經

卞逢昌

九韶七

世孫襲

恩騎尉

舉孝廉

孫鵬飛

以子正

世職

劉翔鳳

方正朝

考二等

由軍功

修職佐

司得祿

任萬縣

叅掣山

保舉任

張麟趾

以父司

周丕冒

東保同

衛輝營

泉任獲

嘉把總

出師陣

知縣

千總歷

以孫文

候選州

知縣

用

李庭芝

張步雲

朝議大

雲騎尉

張立齋

古今人物表

十

由廩生

由武生

張楷之

世職

問官會
孫候選

保舉訓導

保舉千總

以子文

黃文炳

州判

品銜改

高振彪

朝議大夫

以祖百

司廷薦

李鶴翔

由軍功

張文焯

襲雲騎尉

選州同

字清舉

委署內

以子世

黃瑞彪

康宏業

由廩貢

黃營千

恩勅封

以父布

候選州

保舉歷

劉建德

張文煥

經歷雲

劉瑞

署固始

由營兵

以姪世

襲雲騎尉

候選州

襄城登

考取外

恩賜贈

宋子桓

黃之德

封教諭

委署內

李心一

以父文

候選州

X

王萬祥

由軍功

保舉署

楚王營

千總

馮啟賢

由軍功

保舉署

楚王營

千總

黃城守

營千總

以子鶴
翔馳贈
奉政大
夫

難蔭襲
雲騎尉

張曾繪

世職

肯播子
候選州

沈文峯

以父文

生琚難

蔭襲雲

騎尉世

鄧之龍

候選州

同

董培元

范承朱

劉生美

董憲曾

皆候選
州

吳殿錫

邑東南
人字榮集
甫字福榮
坪由附
生候選
府經歷
加同知
街現任
山西汾
州府孝
義縣知

黃立

吉士元
孫候選
州同

黃爾類

候選州
同

馬克溥

候選州
同

王德新

候選吏
目

張曜日

候選主簿

郭祚蕃

郭京元

皆候選州同

馬瑀

德勳次子候選州判

袁文治

候選州同邑宰

廖公送朱灑方

顧來圖

霍乘龍

由庠生
任江西

藩庫
廳

李壽

由廩生
任安嶽

蕪湖縣
知縣署

無為州
知州

樊世熙

由附貢
任廣陳

興甯縣
知縣

霍儉

任廣東
豐順縣
留陞
巡檢

卞正友

由廩貢
任鄞陵
縣訓導

王同業

由附生
任山東
高唐州
吏目

張俊官

由廩貢

歷署光

州教諭

永城襄

城蘭儀

趙定熙

任湖北

麻城縣

鸞籠虎

頭巡檢

王鎔金

任陝西

長縣

縣

張世恩

新授

銜任陝西

官川縣知

縣

魏振邦

由附生

任陝西

膚施縣

知縣

張樹楠

山東卽

補府經

歷加監

銜五品

曹天衢

候選訓導

姜檢之

候選訓導

姜宜之

候選知縣

吳殿錫

同知銜
任孝義

縣知縣

李榮春

藍翎同知銜候選知縣

許文寶

任任邱

縣縣丞

候選知縣

劉獻標

由武生

捐納把

總歷署

楚王忱

千總內

黃城守

營千

總

苗培泰

由武生
捐納衛

總千

曹天魁

曹天錫

捐納衛
千總

傳

侯莫陳悅

侯莫陳崇

石

瞻

本姓冉子
冉閔附

王要漢

弟伯
當附

陳

植

傳

侯莫陳悅好田獵便騎射會牧子逆亂遂歸爾朱榮稍
遷大都督莊帝初除征西將軍金紫光祿大夫封栢
人縣開國侯邑五百戶爾朱天光之討關西榮以悅
爲天光右廂大都督本官如故西伐剋獲皆與天光
賀拔岳略同勞効以本將軍除鄯州刺史餘如故爾
朱榮死後亦隨天光下隴元暉立除車騎大將軍渭
州刺史進爵爲公改封白水郡增邑五百戶及光天
向洛使悅行華州事普泰中除驃騎大將軍儀同三
司秦州刺史天光之東出將抗義旗悅與岳下隴以

應高歡至雍州會爾朱覆敗永熙初加開府都督隴
右諸軍事仍秦州刺史永熙三年正月岳召悅共討
靈州悅誘岳斬之岳左右奔散悅遣人安慰云我別
稟意旨止在一入諸君勿怖眾皆畏服無敢拒違悅
心猶豫不卽撫納乃還入隴止永洛城後爲宇文泰
所敗縊死野中悅自殺岳後神情恍惚不復如常恆
言我僅睡卽夢見岳語我兄欲何處去隨逐我不相
置因此內不自安而致敗滅

侯莫陳崇字尙樂少驍勇善馳射謹慤少言年十五隨
賀拔岳與爾朱榮征葛榮又從元天穆討邢杲平之

以功除建威將軍別從岳破元顥於洛陽遷直寢後
從岳入關破赤水蜀時万俟醜奴圍岐州遣其將李
尉遲菩薩將兵向武功崇從岳力戰破之解岐州圍
又赴百里細川破賊帥侯伏侯元進柵醜奴率其餘
眾奔高平崇與輕騎逐北至涇州長坑崇單騎入賊
中於馬上生擒醜奴於是大呼眾悉披靡莫敢當遂
大破之岳以醜奴所乘馬及寶劍金帶賞崇除安北
將軍大中大夫都督封臨涇縣侯邑八百戶岳爲
侯莫陳悅所害崇與諸將同謀迎宇文泰泰遣崇襲
原州刺史史歸潛軍夜往輕將七騎直到城下餘眾

皆伏於近路歸見騎少不設備崇卽入據城關時李
遠兄弟在城內先知崇來於是中外鼓噪伏兵悉起
遂擒歸斬之以崇知原州事仍從平悅轉征西將軍
又遣崇慰撫秦州別封廣武縣伯邑七百戶大統元
年除涇州刺史加散騎常侍大都督後進爵封彭城
郡邑三千戶三年從擒寶泰復宏農破沙苑增邑二
千戶四年從戰河橋崇功居多七年稽胡反崇率眾
討平之尋除雍州刺史兼太子詹事十五年進位柱
國大將軍轉少傅魏恭帝元年出爲甯州刺史遷尙
書令六官建拜大司空閔帝踐祚進封梁國公邑

萬戶加太保歷大宗伯大司徒保定三年宇文護逼
令自殺初諡曰躁護誅改諡莊閔崇子芮官大司馬
弟瓊以軍功封武威郡公加上柱國瓊弟凱性剛正
頗好經史拜工部中大夫進位以功至司會中大夫
建德二年爲聘齊使主

舊志曰按魏周二書具不載悅崇爲內黃人而內黃
故有侯莫陳村以故志黃者遂以崇悅歸黃也二人
之勇略同致通顯同不獲善死同而以三字爲姓又
耳目所未睹聞姑存之不使脫落耳

攷魏周諸書悅崇本皆代人舊志以邑有侯莫陳村

遂以悅學人昆志人物未可據以爲信也因相沿已久存而未削按北齊時有侯莫陳相亦代人從高歡戰韓陵有功封陽平縣伯進爵白水王又別封義甯郡公次子善貴有文武幹畧襲爵白水王後歸周封信安縣公子仲宣太常丞子宏穎宏信雍州司士參軍是亦以侯莫陳爲姓者也又崇子穎字遵道魏大統末以父軍功賜爵廣平侯累遷開府儀同三司隋文帝時加上開府進爵昇平郡公仕終南海太守其應官有惠政穎子虔會亦最知名見隋書及北史本傳若崇果爲黃人則穎亦宜載入黃志矣又崇見順

小豪俠有氣度後歷封平原郡公拜少師進柱國亦
見周書北史今俱附識於此姑以俟考

石瞻字宏武本姓冉名良其先漢黎陽騎都督累世牙
門趙主勒破陳午獲之時年十二季龍子之冒姓石
驍勇多力攻戰無前歷位左積射將軍封西華侯子
閔一冉閔字永曾小字棘奴石虎之養孫也父瞻字
宏武本姓冉名良魏郡內黃人閔幼果銳虎撫之如
孫及長身長八尺善謀策勇力絕人拜建節將軍徙
封修成侯歷位北中郎將游擊將軍虎敗於昌黎閔
軍獨全由此功名大顯及賊梁犢之後威聲彌振永

和六年殺石鑒其司徒申鍾司空郎闔等上尊號於閔於是僭卽皇帝位於南郊國號大魏改元永興復姓冉氏石祗聞鑒死自稱尊號於襄國諸六夷據州郡擁兵百萬應之閔遣使臨江告晉朝廷不答石祗遣相國石琨率眾十萬伐鄴進據邯鄲祗鎮南劉國自繁陽會琨閔大敗琨於邯鄲劉國還屯繁陽苻健自枋頭八關張賀度段勤與劉國靳豚會於昌城將攻鄴閔遣尙書左僕射劉羣爲行臺都督使其將王泰崔通周成等帥步騎十二萬次於黃城閔躬統精卒八萬繼之戰於蒼亭賀度等大敗死者二萬八千

追斬斬豚於陰安鄉盡俘其眾振旅而歸戎卒三十餘萬旌旗鐘鼓縣亘百餘里雖石氏之盛無以過之閔至自蒼亭行飲至之禮清定九流準才授任儒學後門多蒙顯進於時翕然方之爲魏晉之初閔率步騎十萬攻石祗於襄國署其子太原王蔭爲大單於驃騎大將軍以降胡一千配爲麾下光祿大夫韋謏啟諫切甚閔覽之大怒誅謏及其子孫閔攻襄國百餘日爲土山地道築室反耕祗大懼去皇帝號稱趙王遣使詣慕容儁姚弋仲乞師會石琨自冀州援祗而弋仲儁各遣兵救援三方勦卒合數十萬閔遣車

騎胡睦拒襄於長蘆將軍孫威拒琨於黃邱皆爲賊
所敗士卒晷盡睦威單騎而還琨等軍且至閔將出
擊之衛將軍王泰諫請無出臣請率諸將爲陛下滅
之閔將從之道士法饒進曰太白經昴一戰百寇不
可失也閔攘袂大言曰吾戰決矣敢諫者斬於是盡
衆出戰姚襄悅縮石琨等三百攻之祇衝其後閔師
大敗閔潛於襄國行宮與數十騎奔鄴諸將士死者
十餘萬人於是人物殲矣賊盜蜂起司冀大饑人相
食自石虎末年而閔盡散倉庫以樹私恩與羌胡相
攻無月不戰青雍幽荊州徙戶及諸氏羌胡蠻數百

餘萬各還本土道路交錯互相殺掠且饑疫死亡其
能達者十有二三諸夏紛亂無復農者閔悔之誅法
饑愛子支解之贈韋謏大司徒石祗使劉顯帥眾十
萬攻鄴時閔潛遣莫有知者內外兇兇皆謂閔戰沒
矣射聲校尉張艾勸閔親郊以安眾心閔從之訛言
乃止劉顯次於明光宮去鄴二十三里閔懼召衛將
軍王泰議之泰畫其謀之不從辭以瘡甚閔親臨問
之固稱疾篤閔怒還宮顧謂左右曰巴奴乃公豈假
汝爲命耶嬖將先滅羣胡卻斬王泰於是盡眾而戰
大敗顯軍追奔及於陽平斬首二萬餘級閔振旅而

歸會有告王泰招集秦人將奔關中閔怒誅秦夷其三族劉顯殺祗及其太宰趙鹿等十餘人傳首於鄴送質請命閔命焚祗首於通衢閔襄州刺史劉啟以鄴城歸順劉顯復率眾伐鄴閔擊敗之還稱尊號於襄國時有雲黃赤色起東北長百餘丈一白鳥從雲間西南去占者惡之劉顯率眾伐常山太守蘇亥告難於閔閔留其大將軍將幹等輔其太子智守鄴親率騎八千救之顯所署大司馬清河王甯以棗強降於閔收其餘眾擊顯敗之追奔及於襄國顯大將曹伏駒開門爲應遂入襄國誅顯及其宗屬百餘人

人時慕容儁已克幽薊畧地至冀州閔帥騎拒之與慕容恪相遇於魏昌城閔大將軍董閔車騎張溫言於閔曰鮮卑乘勝氣勁不可當也請避之以溢其氣然後濟師以擊之可以捷也閔怒曰吾成師以出將平幽州斬慕容儁今遇恪而避之人將侮我矣乃與恪遇十戰皆敗之恪乃以鐵鑣連馬簡善射鮮卑勇而無剛者五千方陣而前閔所乘赤馬曰朱龍日行千里左仗雙刃矛右執鉤戟順風擊之斬鮮卑三百餘級俄而燕騎大至圍之數周閔眾寡不敵躍馬潰圍東走行二十餘里馬無故而死爲恪所擒及董閔

張溫等送之於薊，僞立而問之曰：汝奴僕下才，何自妄稱天子？閔曰：天下大亂，爾曹人面獸心，尙欲篡逆。我一時英雄，何爲不可作帝王？耶儁怒，鞭之三百。送龍城，告廐，就廟斬於遏廕山。山左右七里，草木悉枯。蝗蟲大起，五月不雨。至於十二月，儁遣使者祀之，諡曰武悼天王。其日大雪，是歲太和八年也。

王要漢始爲李密汴州刺史，密敗，王世充徇地至滑州。要漢遣使降之，仍任汴州刺史。高祖武德三年，秦王世民征世充，時世充將張慈寶在汴州。要漢斬慈寶，以降詔爲汴州總管，賜爵鄆國公。要漢弟伯當

伯當邑人初從東郡翟讓爲盜而李密以楊元感之
敗亡命吏捕之急因介伯當以策干讓後讓爲密所
誅遂委事密密又爲王世充所敗時伯當奔金墉東
河陽密輕騎歸之謂曰敗矣久苦諸君我今日別
謝眾伯當抱密慟絕密謂伯當曰將軍族歟豈復興
孤俱行哉伯當曰昔蕭何舉宗從漢今不昆季盡行
以爲媿豈公一失利輕去就哉雖隕首穴胷所甘已
左右感動遂來歸關中密拜光祿卿封邢國公殊怨
望因朝會進食謂伯當曰往在洛口嘗欲以崔君賢
爲光祿不意身自爲此會高祖詔密以本兵就黎陽

招撫故部曲經畧東都伯當以左武衛將軍爲副馳驛東至稠桑驛有詔復召密密大懼謀叛伯當止之不從乃曰士立義不以存亡易慮公顧伯當厚願畢命以報今可同往死生以之然無益也乃簡驍勇數十人衣婦人服戴羃羅藏刀裙下詐爲家婢妾者入桃林傳舍須臾變服入據其城掠畜產趣南山而東馳告張善相以兵應已陝州副將盛彥師率步騎伏陸渾縣邢公岷之下密兵渡橫出擊斬之伯當俱死

傳首京師

伯當初從翟讓所謂眾人畜我眾人報之耳其後盡

心於李密可謂不以存亡易慮矣然既從密歸關中
密封邢國公伯當亦爵爲左武衛將軍則固唐之臣
也稠桑之舉天命人事明知無成而反覆黨叛斷首
誅鋤豈忠智之士所爲哉舊志載唐王伯當爲邑忠

義之冠夫伯當固不忠於唐者卽其追從李密亦與
亂同事耳而與宋傅忠肅輩同類爲傳失其倫矣今

改編雜記之內亦不沒其遺事焉爾

李志

陳植始祖法湖廣長沙茶陵人從太祖舉兵以白溝功
授昭信校尉調燕山左護衛復調彰德衛千戶所管
軍賜券世襲植其十世孫也居邑之陳家庄所轄屯

地坐落內黃

國朝順治十六年歸併本縣今猶以陳植名其營云

內黃縣志卷十二

列傳上 名宦 循良

自郡邑建立廟學崇祀 先師次及先賢先儒禮載
秩宗甚盛典也而後先令長左右師儒苟有能遠規
卓魯近企蘇湖人思其德歿世不忘者則亦隆以祠
祀永奉馨香豈不曰是皆聖人之徒無愧列在門牆
哉若夫勤民不倦誨士以誠雖未獲領邀禮典而口
碑輿誦久而不沫亦足徵遺愛之深焉錄而弗載奚
以傳世謹次其事實爲列傳上卷

名宦

漢倪寬

高彪

唐譚瑤

崔玘

明宋安

周源

張鳳

方鈍

孫繼先

張廷登

國朝李适

于成龍

山西永甯人
謫清端

于成龍

漢軍
謫襄勤

邵嗣堯

朱凝祚

趙宏燮

以上五人無傳
蓋在邑未改屬彰德
之先直隸省長吏有大功德於民者

列傳

倪寬千乘人治尚書事歐陽生以郡國選詣博士受業
孔安國以射策爲掌故功次補廷尉文學卒史寬爲
人溫良有廉知自將善屬文然懦於武口弗能發明
也舊志云寬爲內黃令吏民信服開六輔渠大溉民
田獲利甚多號倪公渠後徵爲御史大夫

舊志曰按班固漢書倪寬傳並無爲內黃令其開六
輔渠蓋在遷中大夫爲左內史時又關中事也與黃
似不相涉但寬已入黃名宦而黃又有六輔渠舊志
且云云不知有所據乎抑好事者附會之耶姑存之
以俟博雅君子

高彪字義方吳郡無錫人家本單寒至彪爲諸生遊太學有雅才而訥於言常從馬融欲訪大義融疾不獲

見乃覆刺遺融書

其書曰承服風問從來有年故不待介者而謁大君子之門冀一見

龍光以敘腹心之願不圖遭疾幽閉莫啟昔周公旦

父文兄武九命作伯以尹華夏猶揮沐吐餐垂接白

屋故周道以隆天下歸德融省書慙追還之彪逝而公今養病傲士故其宜也

不顧後郡舉孝廉試經第一除郎中校書東觀數奏

賦頌奇文因事諷諫

其長樂觀箴曰文武將墜乃俾俊臣整我皇綱董此不虛古之

君子卽戎忘身明其果毅尙其桓桓呂尙七十氣冠

三軍詩人作歌如鷹如鷂天有太乙五將三門地有

九變邱陵山川人有計策六奇五間總茲三事謀則

咨詢無曰已能務在求賢淮陰之勇廣野是尊周公

大聖石碯純臣以或克愛以義滅親勿謂時險不正

其身勿謂無人莫識已眞忘富遺貴福祿乃存枉道

依合復無所觀先公高節越可永
遵佩藏斯戒以厲終身餘多散亡
靈帝異之後

黃合帝勅同僚臨送祖於上東門詔東觀畫彪像以
勸學者彪到官有德政上書薦縣人申屠蟠等病卒
於官

譚瑤絳人天寶末合內黃死於寇出孫譚忠傳

舊志曰瑤當天寶末死於寇豈其遭安史之亂乎果
爾當與顏常山張睢陽並列忠義傳乃其文詞不少
概見何哉而舊云出其孫譚忠傳乃忠又不知何許
人也固知忠臣義士史所挂漏者多矣

崔玘博陵人爲內黃合舊志稱其有嘉政仁聞播流莫

有間言縣人爲之立碑

宋安封邱人由監生先任鴻臚序班宣德三年出丞慶都尋改內黃公勤節用民心胥悅八年被徵縣民詣闕請留正統初領薦擢知滁州縣之耆稚七百人復詣闕請遂以知州掌縣事民益向慕立生祠以報其德

周源江西吉水人由舉人正統年任自浙江德清教諭陞授才操俱優超擢常明府知府

張鳳江西宜春人進士舊志稱其法律精明恩威並著作興士類造就良多改作廟學甲於他邑措置倉粟

至數萬石革除奸弊動中機會俗名曰神張歷陞至
巡撫山東右副都御史

方鈍字仲敏湖廣夷陵人進士嘉靖二年任愷悌慈祥
清勤端謹民至今思之後擢監察御史尋陞戶部尙
書

孫繼先山西孟縣人萬曆六年以進士補任內黃剛方
廉直政尙簡易

以下闕十字

盜同櫃大

戶銀百餘兩仍櫃而去

台衙駭懼無可

蹤者繼先力窮其辨

府庠假寃遮愬竟不

行輒於水坑中取出原銀獄成士民服其神明未及

內黃縣志 卷十二
四年丁內艱去後以黃政擢侍御上疏薦直臣鄒元
標等二十餘人彈劾破百官膽尤善聲律有平原樹
色千家綠夾岸漁歌十里長及秦女樓頭雪未散倪
公隄上日初低之句刻所集諸子要語誨黃人黃人
至今口碑傳誦久而彌篤

張延登山東鄒平人以壬辰進士任內黃受中丞公家
學爲人坦夷澹素而政尙嚴明修學課士築城建橋
百發一新是時方值倭變而募兵練士積穀六千餘
石爲保障之計嘗開遠喧亭彈琴歌永以自適又刻
邑人唐沈佺期遺詩風流儒雅爲一時冠丁內艱去

百姓爲立生祠

李适字長倩山東壽光人順治丙戌進士任黃令天性
廉潔政尙慈惠邑當殘毀之後躬行節儉輕刑薄斂
與民休息其好頌者御之以法猶令其知感焉歲終
胥吏以荒地餘金三千白适适卻之改作來歲春糧
又申減學田歲徵之半時有青天之頌立來興太作
起五社課士調湘陰士民泣送百里外立祠縣治前
至今瞻拜

循良

漢 陳球

元 安住

循良

二九

明 潘中矩

路 遠

喬光大

黃學海

劉渾成

黃克念

饒 位

王麟趾

徐成楚

顏思忠

王廷諫

鄧 漢

袁化中

周士顯

龐尙廉

趙秉衡

蘇 壯

周卜厯

圖 助
楊遺白

張爲仁

張沐

楊海斗

王穎士

王翼

趙國麟

趙國麟

李翼

李翼

劉翼

劉文根

王麟定

何懷珍

杜德威

戴鴻經

印錫齡

章慶保

以上知縣

林福

許燕忠

張

張彥從

以上縣丞

董詒

朱治

洪有功

胡一鵬

張增

董萬山

朱儀

于從龍

以上

馬貞

楊如樟

以上

陸辛

庚寅

列傳

陳球下邳人舉孝廉遷繁陽令時魏郡太守諷令球納賄球不與之太守怒而擯督郵欲令逐球督郵不肯曰魏郡十五城獨繁陽有異政今受命逐之將致議於天下矣太守乃止尋辟公府舉高第拜侍御史後應魏郡太守

安佳西夏人泰定三年進士授承事郎監邑舊志稱其政平訟理百姓德之有去後之思

潘中矩河南澠池人舉人正德十年知內黃平淡樂易與民道疾苦藹然如家人一切儉約時有公出常囊

金自給織芥無取里胥每歲首疏其錢穀可緩及工役可已者停止之河道修築歲費薪楫萬計毅然爲請於上竟得蠲豁百姓至今思之

路達字允達號鴻漸南直建德人舉人嘉靖二十年任公廉嚴明事無壅滯民懷其德

喬光大號沱川山西定襄人進士嘉靖三十五年任心純政簡諸凡施設率協人願民爲立碑尊擢戶科都給事中

黃學海號思菴南直無錫人進士嘉靖四十一年任公廉敏慧元默鎮靜禁奸保民事無宿諾政事教化無

愧家傳陞南京戶部主事

劉渾成號義軒河南確山人進士隆慶四年任先宰堂
邑有聲起復內黃尤多善政蒞任甫及一年卽擢工
科給事中

黃克念號思軒河南甯陵人進士隆慶六年任才敏性
沈學優政練摘奸剔蠹如神均田議馬弭盜備荒創
社學義倉書院士民德之擢吏部主事尋陞左通政
饒位江西進賢人以己卯解元登庚辰進士學問博洽
政尙慈祥民懷其惠不忍欺鄰邑人被盜殺十餘人
不獲移禍於黃境位亦不與之辨其雅量能容類如

此後以均田造福黃人黃人甚德之擢侍御督學南
京海內共宗焉

王麟趾山東德平人以庚辰進士補任內黃端方嚴潔
素以矜廉自命雄譚偉辨落落不與俗伍甫下車卽
值年荒例應謁府道麟趾曰民乃朝夕望賑而吾可
奔走蒲伏上官前平急發倉粟賑貸其有老疾孤弱
不及賑貸者又建立粥廠所全活不下數萬先是流
移他方者聞之爭來復業尋擢南臺侍御北上時囊
篋中只餘十餘金麟趾欣然曰此足路費矣後與鄉
先生通書中有白手尾臺諫之句縉紳咸高其誼

公成是湖廣首善人由進士萬曆十六年蒞任卽修城
池禁高坊建廟祠寔卽孝崇高年本縣毫城集店主
李汝鳳者歲過客沒其貲繫鐵於其足墮井中後二
年以貧故鬻其店獨不鬻其井兩造相質於庭公訝
之竟得其悉客圖財狀置之法其神明多類此且雅
意文學故一時當道者有楚天國士無雙魏地循良
第一之譽以治最稱禮科給事中

顏思忠山東濰縣人登萬曆乙未進士氣宇安雅政尚
廉慈下車卽與父老約數款曰田土事向司正解和
糧差向里長解和糧事向鄰里解和旬日間訟僅五

六起不三四月卒屬暑熱常爲百姓定婚喪禮令民
婚必立書喪必買棺諫士修學移署築城積穀至三
千餘石善政種種嘗三年丁外艱哀毀過常士民號
泣擁道不忍舍行時囊中只餘俸金七八兩歸里變
產治喪具里人憐而高之合邑民爲立生祠

王廷諫字信卿河南項城人進士爲令嚴肅明察吏民
敬而畏之以邑乘簡陋廣搜博詢延元城董復亨刪
定遂成名編建黃池別館湛思堂治蹟頗多蒞任一
年調滑縣立祠祀焉

鄧漢鏡環邱江西新城人進士補任內黃才識通敏明

神廟下祀... 威立書院建於武城

衛異擢御史也人言神祀之

黃化中號熙字由直武定州人進士任內黃廉胡果

治選多患賊時大水城地衝墜乃請上皇得發倉粟

二千石增築之有僧夜殺人燬葬而以其屍屢訊無

跡化中禱於神夢靈猶觸地晨起親詣其處掘之果

得也人頌爲神君丁丙癸去士民感德立祠祀焉歷

當侍御制賜左諸君子擊魏璫死旋蒙歸卹

周士顯字思皇湖廣京山人以辛丑名魁任內黃治

多善政建東城樓尊經閣移養濟院開發風氣爲黃

人始肅任滿擢吏部士民建祠祀焉

龐尙康字清字山西河津人進士任內黃掾持廉潔
恤民隱有古循吏風時遊左告變徵兵餉重誦器
盡夜籌盡一一得當蒞任五年擢侍郎去後黃人
之立祠祀焉

趙秉衡字旭蒼山東臨清州人進士任邑令風格峻
嚴重簡宿左右侍立終日不假色笑獎掖後學議吏
必先成行倡率類如此訓那臺士民思其廉勤
石

蘇壯字... 漢州人進士任內黃風紀卓著

通明發奸摘伏吏民敬而愛之時流寇猖獗繕城池
練鄉勇製軍器爲守禦計建景倪堂課士有黃池勸
藝集時刻有黃池公餘集任內創修頗多調黎陽士
民立神祀之厲官兵備

按公爲政日令巡風務稟數事缺則立杖遂致市鮮
爭風家無誹語是亦火烈人畏之遺意歟

周卜應河南郊縣人以舉人任內黃廉明端雅政尙清
淨適大兵經邑時已丁艱素服安置不至大擾百姓
德之在任一年去之日士民泣送絡繹境外至今稱
會之廉者必及焉

據明史卜憲由內黃歸李自成陷邲執卜憲欲官之
不從殺之

楊遵白字清源河南磁州人貢生任內黃明達有吏才
政尚寬平下車誓爲廉吏清逋賦平市價飭學宮禮
庠序善政頗多未幾以高隱去士民思之立碑西門
外

張爲仁字致堂山東海豐人乙未進士任內黃廉明練
達寬嚴有體下車歷鄉邑申保甲法境內田廬戶口
生業無不周知吏民頌其神明時連歲旱祲鎮撫體
恤民艱以甬申免義田一頃學校公署多所建置詳

載邑志中毫城義學有德政碑記焉立社課士著有
四書偶說孝譜諸刻在任三年以卓異擢中書科士
民立祠祀之

張沐字冲西號起菴河南上蔡人戊戌進士潔已愛民
崇尚德化問民疾苦不啻家人父子而風裁嚴峻人
不敢于以私涖邑五載廉蹟善狀不可枚舉開講堂
講學每會期邑士及隣封之請教者常百餘人時容
城孫奇逢講學蘇門幣迎來黃使學者知所宗焉因
謫錄磨勘降職復以各大臣薦補授資縣令方沐赴
部過黃士民尉問遮道口行數里有遠送出境者所

內黃縣志 卷十二 三
著有道一錄學道六書六諭敷言女經併板留講堂
楊輝斗字潤邱湖廣荊門州人丁酉解元乙亥進士涖
邑七年公正廉明一切勾遣不使一役下鄉治稱不
擾前任清丈地畝缺額增糧於下三等邑民譁然申
控輝斗勸諭首地舊額遂復立有紀事碑創建書院
以卓異行取因丁外艱旋里候補中書

王穎士字樸菴山東臨淄人以進士任邑令公正嚴明
諸弊盡剔聞邑舊逢子歲始發科羣謂風水使然穎
士曰風水限人哉人自限耳爰集多士篤訓之女年
庚午果獲雋癸酉己卯中皆疊雙甲戌癸己捷南宮

者踵相接也張包村瓜田中殺人穎士臨視屍傍脚蹤朗然令比村人校驗之一人微以手搦其履跟執而訊之果殺人者潭頭口鎮失盜久緝弗獲穎士赴郡出郭外一人忽岔道去曰此必盜也拘訊果然他如禮高年獎節孝嚴賭博懲蠹役美難屈指卒於官士民流涕至今尸祝

按公於盜有承緝法雖小偷竊必痛懲之注名於册每朔望日令跪儀門兩傍被以狗皮口念無作盜賊歌遇有盜發卽逮本村或近村有名賊犯追比能獲原賊免議其於胥役絲粒不許擾民尤復嚴於名分

六房外役皆分等差禁止卑隸勿得衣帛著靴雖見
掾吏亦必垂手貼立不敢與抗訪察棍豪懲戒與寇
盜等以故雞犬不驚豺狼斂跡樂樂利利怡績爲州
邑最

王翼字芑州江南無錫人由康熙庚辰進士任邑令賦
性仁慈立政寬簡吏民便之每公務餘暇輒設饌約
士子課文藝剖疑義或至夜分不休辛卯分校北闈
元卷出其門其餘多名士焉懸車後邑人士祖道送
之歷境不絕

趙國麟康熙辛丑進士由長垣令調署內黃邑篆甫下

車目擊民艱卽申請賑貸民賴全活城市村落良楛
秀朴無弗嚮化時黃民有戴德圖以誌其事

陳錫輅浙江嵎縣人首崇節孝加意育才寬仁慈愛役
不擾民調安陽縣

李湏字逢源陝西三原人歲貢乾隆二年任潔已愛民
善聽斷無冤獄邑乘殘缺捐俸修之卒於官士民流
涕

萬作霖字甘來江蘇荆溪人歲貢時文廟傾圮捐修鼎
新規模巖整邑中每歲兌漕無章程吏胥緣以爲奸
作霖設立科條除積弊民立生祠蔣炳大中丞顏其

堂曰鄴南循吏以休致去

劉繼字綰符四川長壽舉人善決斷民享無事之福丁丑夏河溢民失業繼力請上官緩徵開賑又親歷田間視巢居露處者捐俸助之丙子分校南闈稱得士以疾歸

別文樸湖北安陸府天門縣人由拔貢於嘉慶二十二年任明白諳練體卹民隱常恐不能受其實惠道光三年衛河淤塞鹽商捐貲稟請疏濬以利鹽運公爲相度形勢上自高隄下至楚王鎮別開新河一道凡民間田廬有礙者按時估價收買逐戶給發絕無扣

剋短欠之弊一切靡費力圖節省不傷財不害民兩稱便焉

王麟定字仁菴陝西同州府郃陽縣人由舉人於道光二十年任以興學造士除暴安良爲務凡改修學宮整理書院固其事之最著者也尤益於民者其時盜賊橫行極爲民害公嚴拏重處絕不寬貸有受刑不過改過自新者數年中合邑肅靜民情安堵皆公之力也

何懷珍雲南廣西州師宗縣人由廩貢捐納鹽大使於咸豐元年署理縣事性行淑均曉暢公事體卹民隱

未嘗催迫錢糧而民自踴躍輸將聽訟尤極明斷絕
不株連一人民間有召父杜母之稱

杜德咸奉天錦州府錦縣人由優貢考取盛京宗學漢
教習於咸豐三年署理縣事其量寬宏其心慈愛惟
時捻逆倡亂各州縣起聯庄會以禦賊匪他邑之民
有因抗糧陷法網者獨內邑薄賦省刑民皆安居樂
業非公之仁厚曷克臻此

戴鴻經江蘇淮安府桃源縣人由附監捐納府經歷於
咸豐十一年署任適東匪入境圍城三面火光燭天
公素有胆畧督率在城圍練晝夜防守間出奇制勝

斬獲多賊城獲保全至今民頌其德

印錫齡字櫟年安徽潁州府阜陽縣人由廩貢報捐知縣於同治元年署任資稟剛斷政治嚴明其他善政不可枚舉尤令人不忘者大亂之後兇黨未靖千百成羣肆行鬪殺公以文職而兼武備聞風先往盡數捆拿匪黨畏威四散逃匿惡俗由此漸革

章慶保浙江紹興府會稽縣人由監生報捐府經歷於光緒三年署任下車伊始未見他長乃敷政日久興間閭之利極溥防書役之弊甚嚴不矜才不使氣而政治咸宜古稱循良之吏日計不足歲計有餘其公

之謂乎

楊郁洪武間仕邑丞舊志稱其事煩而民不擾府學公署多所勗置

許盡忠南直籍湖廣漢陽人由監生嘗護縣印代捐荒

旱錢糧萬餘兩陞州判解組歸

舊志爲許盡忠

馮昱字闇卿山西大同人由拔貢授邑丞明慈謹慎嘗署邑篆毫不妄爲邑人誦之佐政七年丁外艱服闋陞碭山令補任鹽城

陳彥從字仲庸福建漳州人弱冠爲邑丞初履任卽署邑事操持廉潔政事精明邑人感頌因痛念其母托

病告歸邑人贈詩有八年茹蘗堅冰操一日瞻雲動
子情之句士民齎貨候送者絡繹境上蓋從來佐貳
所未見焉

董詒山東壽光人舉人任邑庠教諭飽飫經史勤於督
會一經指授多取科目學者宗焉正統乙丑同典禮
闈舉榜首商輅時稱得人後陞代府左長史

宋治南直臨淮人歲貢任邑庠教諭高才博學士人仰
之如雞羣立鶴後登北畿鄉薦中辛丑進士

洪有助號水懋福建南安人以舉人任邑庠教諭家世
科第爲舉子業最精工諸學人師之後中萬曆壬辰

進士

胡一鵬字紫霄順天大興人由教習任教諭莊雅有師範立社衡文指諱悉中肯綮時修學宮力任其勞卽一材一藝咸綜理有方犒賞工匠備辦物料多捐貲處置黃人謂廟學鼎新非一鵬不能焉

張增字子晉順天宛平人年甫十七魁康熙己酉鄉薦庚申授內黃司諭談經課士率化有方所著有申酉偶存壬戌卮言等書行於世丙寅丁艱後補棗城旋擢寶應令以不善事上官降調邑丞去任五十餘年至今黃土思慕不衰

董萬山洛陽人進士每月捐俸設饌兩課諸生品題
乙人咸服其精鑒督課外不預他事間以吟咏自適
閩四載以老去

朱儀字闡公禹州舉人乾隆十九年任丁丑河溢割俸
擇士之貧者賙之善衡文工詩受指示者悉取高第
卒於官

于從龍嵩縣人副榜任內黃教諭清貧自守不愧官方
甫任數月太守檄分修郡志以疾卒於事隨身一肩
行李而已太守與屬僚殮棺送歸

厲貞字聖修順天人由舉習任邑司訓天性明爽風規

超卓以黃累科乏人約社課文數歲不輟其供給領
膳多出俸貲門人酬以束修日勤學課業先生之職
也固辭弗受時大興學宮助貲董理尤多勤勞焉

楊如樟字浦水順天涿州人由明經爲邑訓雅意作人
會諸生聯課藝訓誨諄切履任數載首積滿盤而胸
次常自曠如卒於官門人私謚文靜先生

陸辛字子成浙江仁和縣人由監生報捐任本邑典史
資性明敏辦公勤慎凡彈壓拏查各事無不實力奉
行光緒四年旱災設廠賑粥辛每鍋親嘗務期實惠
及民施藥餌及冬衣率先捐廉倡首蓋自同治八年

莅任經三次俸滿急公好善始終如一宜乎歷任堂
官皆倚之如左右手也

丙黃縣志卷十二

列傳中

鄉賢

者舊公

忠義孝悌林義行

六祠

立德立功立言古稱三不朽是故卿士大夫有能當此而無忝者內則崇祀

京師賢良祠外則崇祀

文廟之兩廡其次則祀於其鄉

以昭報饗蓋人材無非出於學校而德望實足式井闈也邑自遜賢生與大聖友善歿祀廟庭由是魁儒碩彥聞風踵接又如忠義孝悌扶植綱常附入宮牆茲芬祀事或好行其德獨立不移倘所謂一鄉之善士非歟爰次其行實爲列傳中卷

內黃縣志 卷之三 職官 一

鄉賢

周 遠 瑗 事 海 內

漢 杜 鄴

藥 巴

唐 張 公 謹

宋 傅 堯 俞

明 張 問 行

任 進 道

黃 吉 士

國朝

司 九 韶

司 琨

張 其 相

列傳

遠瑗字伯玉衛大夫獻公十八年孫林父以太師歌詩

內故懼羅禍將謀出之入見伯玉曰君之暴虐子所知

也大懼社稷之傾覆將若之何伯玉對曰君制其國

臣敢奸之雖奸之庸知愈乎遂行殤公十二年獻公

使告甯喜甯喜欲納之告伯玉伯玉曰瑗不得聞君

之出敢聞其入又從近闕出獻公後三年吳季札適

衛與瓊語說之曰衛多君子未有患也靈公立嘗與

夫人夜坐聞車聲至闕而止過闕復有聲公問夫人

曰知此爲誰夫人曰此蘧伯玉也公曰何以知之夫

人曰妾聞禮下公門式路馬所以廣敬也夫忠臣與

孝子不爲昭昭信節不爲冥冥情行蘧伯玉衛之賢

大夫也仁而有智敬於事上此其人必不以闇暗廢

禮是以知之公使人視之果蘧伯玉是時伯玉賢行
學於國公亦知之以嬖於彌子瑕故而不能用史鱓
亟言於公公不聽鱓將死命其子曰吾在朝不能進
蘧伯玉退彌子瑕是吾生不能正君死無以成禮我
死汝置尸牖下於我畢矣其子從之公往弔怪而問
焉其子以告公愕然失容曰是寡人之過也於是命
殯之客位乃退彌子瑕而用伯玉趙簡子將伐衛使
史默往視之默還曰蘧伯玉爲政未可以加兵簡子
遽寢兵不出靈公使伯玉之楚逢楚公子皙於濮上
伯玉爲軾車子皙曰吾聞上士託色其次託辭其下

託財三者固可得而託耶伯玉曰謹受命既致使昭
王因問士伯玉曰楚多士而不能用昭王曰何也伯
玉曰子胥生於楚逃之吳吳人相之發兵攻楚墮平
王之墓是吳善用之螽黃生於楚走之晉其治七十
二縣道不拾遺城郭不閉是晉善用之今瑗之來逢
子皙於濮上又將行矣於是昭王追子皙而還之伯
玉歸與公叔文子升瑕邱文子曰樂哉斯邱也死則
我欲葬焉伯玉曰吾子樂之則瑗請前伯玉篤行慎
德老而不倦孔子在當時所與善者於齊則晏嬰於
鄭則子產於衛則伯玉數人而已宋咸平中追封內

黃侯從祀孔子廟庭

今長垣縣有伯土墓

舊志曰伯玉在當時最有聲蓋國僑平仲叔向之流也假令靈公虛已委政豈其不能與晉楚諸大國相抗衡而奄奄以至陵夷弗振耶內孽於南子外嬖於彌子瑕雖有史鮪之諫抑亦後矣諺曰美女破舌美男破老此之謂乎而余又獨怪南子之能識伯玉也杜鄴字子夏祖父與父皆積功勞官至郡守鄴少孤其母張敞女鄴壯從敞子吉學問得其家書以孝廉爲郎與車騎將軍王音善鄴見音前與平阿侯譚有隙卽說音音甚嘉其言語見藝文志音由是與成都侯

商親密二人皆重鄴後以病去郎商爲大司馬衛將軍除鄴主簿以爲腹心舉侍御史哀帝卽位遷爲涼州刺史居職寬舒少威嚴數年以病免元壽元年正月朔日食詔舉方正直言扶陽侯韋育舉鄴方正鄴對累千言專攻丁傅識者偉之亦見藝文志初鄴從張吉學吉子竦又幼孤從鄴學問亦著於世鄴子林別有傳

舊志曰鄴文藻經業在劉光祿顏行是時哀帝方嚮乳鄉陽安而鄴緣日食之對抗其逆鱗豈非奇偉事哉而鄴意在陽平昆季夫陽平之視孔鄉陽安微獨

無異且更甚焉才多識寡此孫先生所以致譏於中
醜也史臣列鄰於杜欽谷永之間非過貶矣

藥巴字叔元好道順帝世以宦者給事掖庭補黃門令
非其好也性質直學覽經典雖在中官不與諸常侍
交接後陽氣通暢自上乞退擢拜郎中四遷桂陽太
守以郡處南垂不闕典訓為吏人定婚姻喪紀之禮
興立學校以獎進之雖幹艾卑末皆課合習讀程試
殿最隨能升授政事明察瀛事七年以病乞骸骨荆
州刺史李固薦巴治迹徵拜議郎守光祿大夫與杜
喬周舉等八人徇行州郡巴使徐州還再遷豫章太

守懸沛相所在有績徵拜尙書會帝崩營起憲陵陵左右或有小人墳塚主者欲有所侵毀巴連上書苦諫時梁太后臨朝詔詰巴巴坐下獄抵罪禁錮還家二十餘年靈帝卽位大將軍竇武太傅陳蕃輔政徵拜議郎蕃武彼誅巴以其黨復適詠昌太守以功自劾病不行上書極諫理陳竇之寃帝怒下詔切責收付廷尉巴自殺子賀官至雲中太守

按舊志方技載巴爲豫章太守郡土多山川鬼怪小人常破貲產以祈禱巴素有道術能役鬼神乃悉毀壞房祀翦理姦巫於是妖異自消百姓始頽

爲懼終皆安之又嘗犬朝會喫酒西南有司劾其
不敬巴謝曰成都火極喫此救之馳驛往按果言
是日大火雨自東北來有酒氣

舊志雜記又載巴守豫章郡先是廬山廟有神於
帳中與人言語飲酒投杯能令官亭湖中分風船
行者舉帆相逢巴未到十數日廟中神不復作聲
郡中常患黃父鬼爲百姓害巴到皆不知所在郡
內無復疾疫事見神仙傳

張公謹字宏慎爲王世充涪州長史與刺史崔樞絜誠
歸天子授檢校鄜州別駕累遷右武侯長史未知名

李勣尉遲敬德數啓秦王乃引入府王將討隱巢亂使卜人占之公謹自外至投龜於地曰凡卜以定猶豫決嫌疑今事無疑何卜之爲卜而不吉其可已乎王曰善隱太子死其徒功元武門銳甚公謹獨閉關拒之以功授左武侯將軍封定遠郡公實封一千戶貞觀初爲代州都督置屯田以省餽運數言時政得失太宗多所采納後副李靖經畧突厥條可取狀於帝帝然其謀語見藝文志及破定襄敗頡利璽詔慰勞進封鄴國公改襄州都督以惠政聞卒官下年四十九帝將出次哭之有司奏日在辰不可帝曰君臣

猶父子也情感於內安有所避遂哭之詔贈左驍衛
大將軍諡曰襄十三年追改鄉國公永徽中加贈荆
州都督子大素大安見文苑志

舊志曰隱巢之變諸將雖皆從旁史之而以骨肉肺
腑至動戈蹀血豈盛德事乎太宗此時蓋亦猶豫不
決矣宏慎以一言促之致令弟兄相殘將無功首罪
魁邪然帝不誅隱巢隱巢卽殺帝禍福相尋速於轉
樞要未可以此深罪宏慎也

傅堯俞字欽之勿孤鞠於祖母霍氏十歲能文登第猶
未冠石介每過之堯俞未嘗不在介曰君少年決科

不以遊戲爲娛何也堯俞曰性不喜囂雜非有他爾
介歎息竒之嘗監西京稅院事留守晏殊夏竦皆謂
白卿相才也知新息縣累遷太常博士嘉祐末爲監
察御史多建白內侍憚之時乏國用言利者爭獻富
國計堯俞奏聚斂者用則天下殆仁宗春秋高皇嗣
未立堯俞請建宗室之賢以慰天下望英宗卽位轉
殿中侍御史遷起居舍人皇太后與英宗同聽政英
宗有疾旣平堯俞上書皇太后請還政久之聞內侍
任守忠有讒聞請堯俞諫皇太后還政遂守忠又言
於英宗曰皇太后徐事左右之人宜頗錄其勤勞少

加恩。憲上慰母后下安反側。且守忠已去其餘可不問。遷右司諫。同知諫院。英宗眷遇堯俞嘗問曰。多士盈庭。孰忠孰邪。堯俞曰。大忠大佞固不可移。中人之性繫上所化。英宗納其言。時英宗初躬庶政。猶謙讓。任大臣。堯俞言。君臣之際。是是非非。毋相而從。總覽衆議。無所適。莫則威柄歸陛下矣。嘗因論事。英宗曰。卿何不言蔡襄對曰。若襄有罪。何不自正。典刑安用。臣言英宗曰。欲使羣臣言以公議出之。對曰。若君之公議。臣但見。山陵事有功不見其罪。臣身爲諫官。使臣愛言事。臣不敢詔以內侍。李若愚

西四路鈐轄轉運使招納歲一入奏事堯俞言其非
宜尋罷之大臣建言濮安懿王宜稱皇考堯俞曰此
於人情禮文皆大謬戾與侍御史呂誨同上十餘疏
其言極切主議者知恟恟不可遏遂易考稱親堯俞
又言先帝旣以陛下爲子當是時設濮王尚無恙陛
下得以父名之乎又因水災言簡宗廟則水不澗下
今以濮王爲皇考於仁宗之廟簡孰甚焉俄命堯俞
與趙瞻使契丹比還呂誨呂大防范純仁皆以諫濮
議罷復除堯俞侍御史知雜事堯俞拜疏必求罷去
英宗而留之堯俞言誨等已逐臣義不當止因再拜

辭遂出知和州通判楊傑乘間問曰公何爲未嘗言
及御史時事堯俞曰前且言職也豈得已哉今日爲
郡守當宣朝廷美意而反沾沾追言前日之闕政與
譏謗何異神宗卽位徙知廬州熙寧三年至京師王
安石素與之善方行新法謂之曰舉朝紛紛俟君來
久矣將以待制諫院處君堯俞曰新法世以爲不便
誠如是當極論之平生未嘗好欺敢以爲告安石愠
之但授直昭文館權鹽鐵副使俄出爲河北轉運使
改知江寧府陸辭言仁廟一室與藝祖太宗並爲百
代不遷之主徙許州河陽徐州再歲六移官困於道

路知不爲時所容請提舉崇福觀後坐事削官職稍起監黎陽縣倉草場郡掾凡十年哲宗立自知明州召爲秘書少監兼侍講擢給事中吏部侍郎御史中丞奏言人才有能有不能如使臣補闕拾遺以輔盛德明善政失以平庶政舉直錯枉以正大臣臣雖不才敢不盡力若使窺人陰私抉人細故則非臣所能亦非臣之志也御史張舜民以言事罷詔堯俞更舉御史堯俞封還詔書請留舜民不聽卽以堯俞爲吏部侍郎堯俞不可遂以龍圖閣待制知陳州未幾復爲吏部侍郎御史中丞前宰相蔡確坐詩誹謗貶新

州宰執侍從以下罷者七八人御史府爲之一空堯
俞曰確之黨其是者固宜逐其餘可以一切置之且
言以陛下盛德顧乃於此不能平願聽之如蚊蟲之
過耳無使有織芥之忤以奸太和之氣進吏部尙書
兼侍讀元祐四年拜中書侍郎卒哲宗與太皇太后
哭臨之太皇太后語輔臣曰傅侍郎清直一節終始
不變金玉君子也方倚以相遽至是乎贈銀青光祿
大夫謚曰獻簡紹聖中以元祐黨人奪贈謚著名黨
籍後黨錮解下詔褒贈錄其子堯俞厚重寡言遇人
不設城府人自不忍欺論事君前畧無回隱退與人

言不復有矜異色。初自諫官補郡。衆疑法令有未安者。必有所不從。堯俞一切遵之。曰諫官有言責。郡知守法而已。徐前守侵用公錢。堯俞至爲償之。未足而去。後守移文。堯俞使償久之。攷實非堯俞所用。卒不辯。司馬光嘗謂邵雍曰。清直勇之德。人所難兼。吾於汝。見焉。雍曰。欽之清而不耀。直而不激。勇而能溫。是爲難耳。其爲名臣大儒所賞重如此。

按傅獻簡宋史本傳爲鄆州須城人。徙孟州濟源。暨攷司馬溫公作獻簡祖珪墓誌。則云其先大名內黃人。後徙鄆欽之。以夫人嘗遷濟源。愛其土風。遂葬焉。

此遷濟源所由來也故灑公題欽之別業有曰林間
清濟水門外太行車疑欽之未嘗居黃也然讀大蘇
題欽之草堂詩又云卜築臨清衛則是傅氏世爲內
黃人其在鄆州僅爲喬寓其在濟源乃爲拜掃故耳
故舊志世隆載選舉珏載方技堯俞載人物察載忠
義而余亦以伯成踵欽之後云

張問行字子書號鳳村登正德辛巳進士先是有日者
相問行曰庚辰而欲進士耶無已則辛巳可許衆皆
笑曰者言不經已而武宗南巡竟以辛巳登第如母
者言任聞喜縣多惠政有富商人寺借宿僧人利其

財格殺之夜埋其尸積草壓其上無有覺者問行到
任日忽有犬竟自公門走堂上遑遑如有所訴問行
怪其異令人尾其犬犬入僧舍直入積草內旋令起
草掘地果有屍竟論圖商如法去之日民爲立祠祀
之後爲御史按遼東發總兵楊鎮違法誤國狀衆皆
服其骨鯁會有降夷四百當事者欲邀以爲功問行
獨厲色曰殺降不武果爾吾當問於朝當事者竟以
問行言止卒活四百人後應詔陳言願改外任意調
溧水知縣尋擢延綏巡撫副都御史與總督曾銑等
同疏議修邊備以規河套爲嚴嵩所抑革職旋里卒

隆慶四年追復原職遣官諭祭

國朝康熙十八年纂修明史奉

旨特取行狀五十九年祀鄉賢祠

任進道字明叔號見字幼聰敏善記識覽羣書一過輒

能誦文不屬草頃刻數篇可立就隆慶丁卯舉鄉試

家居六載不治生產第一課子弟教生徒爲業從遊

甚衆後舉萬曆甲戌進士節推東萊讞獄平明已而

例應欽取以不善逢故僅陞大理評事轉寺副疏病

求歸命未下卒於官宦囊蕭然不能備喪具京師諸

縉紳憐而助之乃以喪歸所著讀書記易義辨疑藏

於家

黃吉士字叔相號雲蛟父流仕棠邑訓導詳孝行志吉士少醅謹有德量嘗夜讀室中遇魅吟哦自若弱冠膺鄉薦攻苦十年登萬曆己丑進士初授行人神宗朝兩使桐封餽遺一無所受例八品貤封不及父母皆士抗疏力請遂被特恩擢浙江道御史正色立朝權貴憚之尋奉勅按宣雲請停中使以靖礦變詞極剴切按淮揚請停浮鹽以疏正課商人立祠載揚州志又奉命簡閱拔大將倪寵宇行間多建奇勛歷保定於風旋止處見枯骨廉得其實乃三十年前債帥

劉文殺人事因正其罪邊鎮誦神明焉秩滿晉順天府丞京輦稱多姦利吉士洞坦不設鉤距壹以寬大行之而人自凜然值冬旱步禱祈雪有戚里犯屠禁吉士繩以法自此宮膳無諸腥神宗問及后以府丞禁屠對上曰彼爲國爲民吾寧甘食肉哉大雪立降上目爲黃府丞雪焉嘗夜遣內臣持御書月酒三人賜之其寵異如此謝政歸建義學設義田義倉輸地開拓雲路人高其誼卒年六十四修撰焦茲誌其墓

祀鄉賢祠

司九韶字仲文幼孝友聰敏有夙慧及長風格端凝文

遊高塘由恩貢任潞安司理以廉明著擢郡事及澤州俱有能聲順治己丑遵犬同姜逆之亂全省震動九韶爲賊所執縛繫密室九韶嚙指血作書請援師賊覺遂遇害撫臣疏其節贈山西按察司僉事與祭葬廬一子入監上黨士民立三祠祀焉蓋爲劉兵憲澤潯楊郡守教諭及九韶也九韶於康熙五十四年祀鄉賢祠雍正二年祀忠義孝弟祠

司製字圃白隸石叟父九韶見忠節志琨以難蔭太學生初授國子監學錄每值講洞悉經義大司成器重之歷任刑部司務戶部主事尋擢本部員外轉兵部

職方司郎中會吳逆蠢動羽檄飛馳琨一覽悉部
塗左右及羣司咸詫爲異才交章薦之授淮徐僉事
至則杜菴苴藟土豪修築白洋功成不日奉教催師
兵不擾民數月中以勞瘁歿於官貧不能歸賴合屬
捐助旅櫬始獲返里歷宦二十七載公正清直綽有
父風康熙五十三年祀鄉賢祠

張其相字景文號純夫天性孝友事繼母如生母待異
母弟尤極友愛康熙甲子登賢書越十年甲戌成進
士以病居於家唯日閱文藝課子若侄以自適值歲
飢嘗捐穀賑濟里黨多沐其惠積逋不能賞者輒焚

其舍卒宛滂賢祠孫植舉雍正乙卯鄉薦

皇清

卷三

三

又

書舊

漢馮揚

杜林

馮勤

晉范粲

宋李符

李防

師頽

傅珏

傅伯成

明何顯周

傅鐸

紀振

董瑜

邢鑿

張明

張應奎

張聚奎

李巍

王訓

郭世祿

張亨甫

任表

傅肖彤

王萬邦

王萬選

劉光祚

張中侯

馬習元

陳九疇

任亶李

可迺疆

馬習和

劉生楠

楊中科

黃志士

楊問奇

馬昌

黃本訥

董極

周易

黃之衡

傅元

楊炳

張允熾

黃之徵

黃勳

黃慎謀

黃淦

林煦

卞正友

邢承德

李心一

張文燭

邵亭

田澍

馬興家

內黃縣志

卷十三

共

X

列傳

馮揚宣帝時爲宏農太守有八子皆爲二千石漢魏間榮之號曰萬石君

杜林字伯山鄴之子也少好學沈深家旣多書又外氏張竦父子喜文采林從竦受學博洽多聞時稱通儒初爲郡吏王莽敗盜賊起林與弟成及同郡范逡孟冀等將幼弱俱客河西隗囂素聞林志節深相敬待以爲持書平後因疾告去辭還祿食囂復欲令驅起遂稱篤囂意雖相望且欲優容之乃出令曰杜伯山天子所不能臣諸侯所不能友蓋伯夷叔齊恥食周

粟今且從師友之位須道開通使順所志林雖拘於
囂而終不屈節建武六年弟成物故囂乃聽林持喪
東歸既遣而悔追令刺客楊賢於隴坻遮殺之賢見
林身推鹿車載致弟喪不忍害因亡去光武聞林已
還三輔乃徵拜侍御史引見問以經書故舊及西州
事甚悅之賜車馬衣被羣寮知林以名德用甚尊憚
之京師士大夫咸推其博洽明年大議郊祀制多以
爲周郊后稷漢當祀堯林獨以爲周室之興祚由后
稷漢業特起功不緣堯祖宗故事所宜因循定從林
議後代王良爲大司徒司直林薦同郡范滂趙秉申

屠剛及隴西牛邯等皆被擢用士多歸之十一年司
直官罷以林代郭憲爲光祿勳內奉宿衛外總三署
周密敬慎選舉稱平郎有好學者輒見誘進朝夕滿
堂十四年羣臣上言古者肉刑嚴重則人畏法令今
憲律輕薄故姦軌不勝宜增科禁以防其源詔下公
卿林奏宜如舊制不合翻移帝從之見藝文志後以
林爲東海王傳從駕南巡狩時諸王傳數被引命或
多交游不得應詔唯林守慎有召必至餘人雖不見
譴而林特受賞賜又辭不受帝益重之明年代丁恭
爲少府二十二年復爲光祿勳頃之代朱浮爲大司

空博雅多通稱爲任職相明年薨帝親自臨喪送葬
除子喬爲郎

舊志曰伯山博學洽聞大有父風而志節過之其不
屈隗囂一事進兩龔絕紀唐所謂青出於藍青於藍
矣

馮勤字偉伯萬石君揚之曾孫也祖父黎陽令偃兄弟
形皆偉壯唯偃長不滿七尺常自恥短陋恐子孫之
似也乃爲子伉娶長妻伉生勤長八尺三寸八歲善
記初爲太守銚期功曹有高能稱期常從光武征伐
政事一以委勤勤同縣馮巡等舉兵應光武謀未成

而爲豪右焦廉等所反音翻勤乃音水母音勉音羞音及音宗音釋

歸期期悉以爲腹心薦於光武初未被屏後乃除爲

郎中給事尙書以圖議軍糧在事精勤遂見親識每

引進帝輒顧謂左右曰佳乎吏也由是使典諸侯封

事勤差量功次輕重國土遠近地勢豐薄不踰越莫

不厭服焉自是封爵之制非勤不定帝益以爲能尙

書象事皆令總錄之司徒侯霸薦前梁合閭楊楊素

行議議帝常嫌之既見霸奏疑其有姦大怒使勤奉

策至司徒府勤還陳霸本意申釋事理帝意稍解拜

勤尙書僕射職事十五年以勤勞賜爵關內侯遷尙

書令拜大司農三歲遷司徒先是三公多見罪退帝

賢勤欲令以善自終乃因譏見從容戒之勤愈恭約

盡忠號稱任職勤母年八十每會見詔勅勿拜令御

者扶上殿謂諸王曰使勤貴寵者此母也其見親重

如此勤七子長子宗嗣至張掖屬國都尉中子順尙

平陽公主至大鴻臚卒順中子奮襲主爵薨無子以

兄羽林右監勁襲爵奉主祀勁薨子卯嗣延光中為

侍中卯薨子留嗣奮弟出黃門侍郎尙平安公主

舊志曰偉伯起家公曹位三公生榮死哀波及奕世

雖帝能言數語能委曲保全亦其小心醞謹天性固

雖帝能言數語能委曲保全亦其小心醞謹天性固

亢龍有悔，悔者危也。吾知免矣。

承明漢族，燕長母之孫也。樂高亮，真正有祖風。而博涉強記，學皆可師。遠近請益者甚眾。魏時州府交辟，皆無所就。久之，乃應命爲治中。轉別駕，辟太尉。樣尚書郎，出爲征西司馬。所歷職皆有聲稱。及司馬。警輔政，遷武威太守。到郡，選良吏立學校，勸農桑。是時戎夷頗侵疆場，樂明設防備，敵不敢犯。西域流通，燔燧之警。左遷樂漕令。頃之，轉太宰從事。中郎遭變，憂以至孝。稱服闋，復爲太宰中郎。齊王芳彼廢遷，於金墉城。樂素服奔走，哀動左右。時司馬昭輔政，召

羣官會議祭又不到朝建以其時望優容之祭又稱疾闔門不出於是特詔為侍中持節使於雍州祭因

陽狂不言寢所乘車足不履地子孫恒侍左右至有

婚宦大事輒密諮焉合者則色無變不合則眠寢不

安妻子以此知其旨武帝踐祚泰始中祭同郡孫和

時為太子中庶子表薦祭稱其操行高潔久嬰疾病

可使郡縣輿致京師加以聖恩賜其醫藥若逐瘳除

必有益於政乃詔郡縣給饘糲又以二千石祿養病

歲以為常加賜帛百匹以太康六年卒時年八十四

不言三十六載終於所寢之車長子喬字伯孫年二

歲時祖馨臨終撫喬手曰恨不見汝成人因以所用
硯與之至五歲祖母以告喬喬便執硯涕泣九歲請
學在同輩之中言無媒辭弱冠受命於樂安蔣國明
濟陰劉公榮有知人之鑒見喬深相器重友人劉彥
秋夙有聲譽嘗謂人曰范伯孫體度純和理思周密
嘗每欲鑽其一事而終不能光祿大夫李銓嘗論揚
雄才學優於劉向喬以爲向定一代之書正羣籍之
篇使雄當之哉非所長遂著劉揚優劣論喬好學不
倦父藥陽狂不言喬與二弟並棄學業絕人事侍疾
家處至藥殘足不出邑里司隸校尉劉毅嘗抗論於

朝廷曰使范武威疾若不篤其爲伯夷叔齊復存於
今如其疾篤益是聖主所宜哀矜其子久侍父疾名
德著茂不加叙用深爲朝廷惜遺賢之譏也元康中
詔求廉讓沖退履道寒素者不計資以參選叙尙書

郎王瑯乃薦喬

其詞曰喬慕德貞粹立操高潔儒學精深含章內奧安貧樂道棲志窮巷

單瓢永業長而彌堅誠當今之寒素著厲俗之青彥時張華領司徒天下所舉

凡十七人於喬特發優論又吏部郎都隆亦思求海

內幽遯之士喬供養衙門至於白首於是除樂安令

辭疾不拜喬凡一舉孝廉八薦公府再舉清白異行

又舉寒素一無所就初喬邑人臘夕盜斫其樹人有

原书缺页

原书缺页

州錢帛不登選知京西南面轉運事奏便宜百餘
凡四十八事命著爲令賜緋魚因奏對稱旨遷起
郎後荆湖轉運許仲宣隨軍討南唐詔符起荆湖調
發芻糧符領船數千艘順流而下事畢賜金紫符又
建議鑿橫江河以通漕運太祖欲幸西京有事南郊
符上書陳八難不從禮畢遣京改比部員外郎判刑
部太平興國初遷駕部轉祠部郎中知廣州兼轉運
使有善政民爲立生祠五年召爲右諫議大夫判吏
部銓兼大理寺七年以符知開封府廷美事發趙普
令符上言廷美在西洛非便恐有他變宜遷遠郡以

絕人望遂有房陵之貶普恐洩言坐符用刑不當貶
寧國軍行軍司馬先是太宗尹京符因宋琪薦彌德
超事藩部符貶德超爲樞密副使屢稱其寃會德超
以事貶帝惡其朋黨徙符橫表普移符知春州至郡
歲餘卒符無文學有吏幹好希人主意以求進用終
以此敗

舊志曰符非長者廷美之奏是亦不可已乎史又言
盧多遜貶崖州符白普曰珠崖雖遠在海中水土頗
善春州稍近瘴氣甚毒至者必死願徙多遜處之普
不答後普竟移符春州遂卒語曰天道好還凡陰謀

死人者未有不反中其身符之反覆陰狠宜其乃
卽有吏幹寧渠足奇乎

李防字智周舉進士爲莫州軍事推官隨曹彬入契丹
授忠武軍節度推官括磁相二州逃戶田增租賦十
餘萬改秘書省著作佐郎通判歸州遷秘書丞體量
二浙民饑建言逃戶田宜卽召人耕種使人不敢輕
去剛畝而官賦常在又請京師置折中倉聽人入粟
以江浙荆湖物價之捷關封府推官請與判官間三
五日卽府司軍巡院察鬼獄出爲陝路轉運副使徙
防梓州路轉運使累遷尚書工部員外郎爲三司戶

部判官景德初江南旱詔與張知白分東西路安撫

上言秦義營增江淮兩浙荆湖權酷錢民頗煩擾江

南以歲饑權罷而淮南荆湖未被德音詔悉罷之仍

詔義等毋得復增權酷之利遂爲江南轉運淮南舊

不禁鹽制置司請禁鹽而官自鬻之使兵夫輦載江

上且多漂失之患防請令商人入錢帛京師或輸芻

糧西北邊而給以鹽則公私皆利後采用之徙知應

天府鑿府西障口爲斗門洩汴水淤旁田數百畝民

甚利之又徙興元府入爲三司鹽鐵判官失舉免官

後起通判河南府徙知宿延亳三州爲利州路轉運

使累遷兵部郎中糾察刑獄擢右諫議大夫
軍進給事中復知延州更耀潞二州性好辨明利害
所至必有論奏朝廷頗施行之其精力過人防在江
南晏殊以童子謁見防命賦詩使還薦之後至宰相
舊志曰智周蓋翩翩一時才臣也大率識大體好以
利貽民不欲國家有務財用名耳其賞拔晏文獻公
於童穉與曲江公識鄴侯何異古大臣眼界往往不
尋常如此

師頑字霄遠父均後唐長興二年進士終永興節度判
官頑少篤學與兄頌齊名建隆二年舉進士寶儀典

貢舉擢之上第釋褐耀州軍事推官以疾解久不赴
調開寶中復爲解州推官太平興國初召遷遷大理
寺丞陝西河北轉運判官就改著作佐郎秩滿遷
察御史通判永興軍府坐秦王廷美假公帑緡錢左
授乾州團練副使尋復舊官六年改殿中侍御史遷
判邠州徙知簡州轉起居舍人以公累去官復爲殿
中侍御史知資眉二州頽所至以簡靜爲治蜀人便
之代遷遷侍御史知安州賜緡錢二十萬移判州
拜工部郎中命知陝州賜金紫時西鄙用兵州
出軍士多亡命嘯聚山林爲盜頽嚴其巡捕盜賊

境改刑部郎中未幾召遷真宗以其舊人素負才學
而久次于外累召對詢其文章頽謙遜自晦上益嘉
之翌日命以本官知制誥兼史館修撰咸平二年與
溫仲舒張詠同知貢舉明年召入翰林爲學士五年
復與陳恕同典貢部又知審官院通進銀臺封駁司
頽曠達夷雅摺紳多慕其操尙有集十卷子三人仲
回端拱元年進士及第仕至太常博士仲宰國子博士仲說殿中丞

舊志曰內黃文學自杜子夏沈雲卿而後亟推齊寔
然子夏雲卿行不勝才齊寔曠達夷雅操尙絕出固

其諸子都奕奕顯貴也

傅珪字寶臣世隆子也少通尚書屢舉不中第用親蔭
補三班借職累遷至右班殿直初監澶州酒稅歷齊
州離濟寨酒稅廬州巡檢以事去官後監趙州倉知
定州新樂縣復以事去官已而監博州酒稅以疾罷
歸明道元年終於家珪爲人忼慨方嚴家之子弟雖
甚愛之不命坐不敢坐其當官明敏果斷在新樂有
西山采木卒二百人謀劫其縣大呼自南門入珪率
左右操白挺逆之至則叱使坐卒不意珪遽出皆愕
不敢動珪因罵之曰餓兵欲奚爲梓其爲斃者數人

杖之名數十而縱之皆偃首去不敢出聲然不能與
世浮沈平視貴要若無人故所至齟齬且老益窮因
發狂疾棄官歸卧一歲所忽起召家人與訣語言如
平生人乃疑其非狂也卒葬濟源司馬溫公光爲銘
其墓曰氣直志剛難進易傷善抑不揚其後必昌皆
理之常孫堯俞自有傳

按舊志方技載珏有知人鑑或坐都市門公卿車
騎之過者言地位所至無毫髮爽初不能相徇每
曰予自得於心亦不解也嘗寓北海王沂公會始
就鄉舉珏遇於棘園之外明日以雙筆要而遺曰

公必冠多士位宰相他日無相忘聞者皆笑珏不
爲忤遂定交傾資以助沂公賴之旣而如言沂公
與其二弟以兄事之終身不少替

傅伯成字景初忠肅公察之孫少從朱文公熹學登隆
興元年進士第調連江尉試中教官科授明州教授
伯成年少嫌以師自居日與諸生論質往復後多成
才歷知閩清連江二縣慶元初仕太府寺丞言呂祖
儉不當以上言貶又言於御史朱熹大儒不可以僞
學目之又言朋黨之做起於人主好惡之偏坐是不
合出知漳州以律已愛民爲本推熹遺意而尊行之

兩爲部使者遷工部侍郎進右司郎官權幸有私謁者皆峻拒之出爲湖廣總領朝議欲納金人之叛降者伯成言不宜輕棄信誓乞戒將帥毋生事御史中丞鄧友龍遂劾伯成罷之嘉定元年召對面諭今之策雖以和爲主宜豫爲戢守之備權戶部侍郎拜左諫議大夫抗疏十有三皆軍國大義或致丞相史彌遠意欲使有所彈劾謂將引以其政伯成嚴謝之疏乞詔大臣以公箴私左憲權吏部侍郎以集英殿修撰知建昌府蔡元定論死進州歸葬建陽乃雪其寃於朝建寧謫知建寧府嘉定八年召赴闕

寶漢閣直學士魏仕敏應召在輿轎同召壽加寶
文賜以三寶賜賜伯魏奏稱請歸方殿老病辭而愛
君憂國之至不少憂前大建濟壽胡夢旦坐言事貶
魏漢閣之不容辭命加魏漢閣學士轉一官提舉鴻
臚字後翁伯成魏漢閣著表裏洞達每稱人善不啻
解世直諫友善人謀國為人善正詞色俱厲不少假
借常與帝諫魏漢閣聖愛益篤寫朝服而逝年八十有
四魏漢閣府儀同三司魏漢閣二年賜諡忠簡

魏漢閣漢武初爲西華縣太子賓客賜坐講論治道上
命圖其像并賜侍衛院記及詰命以旌之

傅鐸早負才敏由太學生歷官勤能宣德年間陞戶部
左侍郎

紀振字文聲魁梧豁達登成化戊戌進士授南京戶部
主事歷員外郎中陞山西按察司僉事家饒於財曾
自宦邸寄詩親友有歸家相識如相問爲道寒潭徹
底清之句其雅操蓋如此云

董瑜字懷瑛邑教諭諮之子善書畫以恩貢入太學時
大學士壽光劉珣冢宰曹州李秉慕其名每造館相
訪上下其議論中成化辛卯鄉試授山西隰州知州
歷任九載多善政時感嘉禾一莖三四穗後入名宦

邢鑿字大用父琛以歲貢任靈邱令鑿強學勤記卓有
氣節由成化丁酉鄉薦授裕州學正端嚴勸勵造士
良多時州官不法面質當道略無顧忌九載考績入
選部銓曹見其服太儉樸偶暎命易之鑿正色曰某
性如此非敢矯情銓曹愧服陞松江府通判專理賦
稅緩急有度諸名公以詩文見贈有催科善政毋所
著有摘語集裕齋紀事錄藏於家

張明字文光幼讀經書每以千數至老尙能熟誦由邑
庠入太學不樂仕進懇乞養親歸開鄉塾教育後進
子應奎等亦同行問官等同里侯績郭世祿等皆籍

以成名後以例授上海縣丞

張應奎字時耀明之長子穎悟好學凡閱文藝一覽不忘由宏治己酉鄉薦授山西沁州知州綽有賢聲丁外艱回復除陝西河州知州

張聚奎字時貞性恬退尤篤於教子少年有聲場屋屢不第應貢將入太學適子問行輩各有成立遂飄然歸日以課子孫耕讀爲業後封監察御史

李巍字世瞻幼貧嗜學心純行端不輕出戶于人門陶成者如王訓司恩輩咸與焉屢屈場屋以歲貢歷真陽廣昌大同三學訓導時年八十二歲齒德兼隆

鄉人無小大皆敬之

王訓字敷道號蓮潭舉正德丁卯鄉試授海豐知縣陞
濟甯知州兩任廉節如一撫按交章薦舉所在有惠
政致賜勅旌異民到於今以青天稱之

郭世祿字蔭賢少年交譽籍甚吾伊之暇賦詩彈琴自
適也以正德庚午鄉舉授山西河津知縣有惠政調
繁安邑尋陞商州知州民爲遮道扳留時有武功康
海贈詞一闕云公在也多方爲我公陞也無計留公
去後民立去思碑

張亨甫字通之號益菴由嘉靖丙午鄉舉初授陝西紫

陽知縣繼補山西沁源沁源多寇盜亨甫嚴於緝治
後爲朝廷擢異有可當一面之許尋陞魯府審理

任表字化夫爲人醕謹孤介諸生時淹貫經史一時號
爲博雅通儒從之遊者多取科貢去而表以數竒竟
阻一第晚歲始應明經舉銓授章邱丞管糧事理胥
鑿餽常例三百餘金表力叱去亡何以不能俛仰上
官投劾歸里家益落寞故里胥過其家表笑語之曰
吾受若等常例甯至此其人嘆服去課孫暇日抄古
今陰隲事與親識相談說里中豪有侵喪地者表置
不問豪因將所侵地賄里胥投入已冊中表不與辨

後豪以所侵地中木築屋三間竟燬於火里中人以爲天報豪者其退讓不較類此孫光裕舉萬曆甲午鄉試

傅肖形字夢弼號起巖天性孝友邁迹勤學父有遺妾子者父死肖形亟收之家視若同胞以祖業千餘畝中分予之常出遊林畝中遙見伐樹者急反人曰人伐公樹柰何不禁約而急反爲曰彼迫於窮耳見之恐渠生媿心萬有不諱事柰何其人聞之媿服每日門前令蒼頭留馬一二匹以待借有來告急者不以有無爲解嘗有一生缺種馬官催之急肖形卽令入

廐中選一良者不估置其重義輕財如此讀書冬夏
不輟不與人嬉戲對友人文事外未嘗談及別事經
書傳註雖音釋字字熟讀登萬曆丙戌進士廷對策
中亟論時弊相公賜其直東明石大司馬極獎之觀
兵部政卒於京未竟其用

王萬邦字伯和隆慶間歲貢孝友廉介穎異好學爲茅
副使坤所賞鑑讀書天雄書院中白猿豫報福壽時
有逼死節婦事一爲力可得千金副使亦屬意萬邦
以爲風化所關弗爲也後以家貧親老司訓曲周尋
擢考城令邑人德之建祠立碑記焉

王萬選字伯元爲人簡重端方由明經授利津令有循稱以不善事上官調延川方萬選以朝覲去津士民知不能還泣送之至延川邑號窮僻力撫以恩民甚德之擢陞別駕命方下而萬選已卒兩地卓有治蹟並紀諸石

劉光祚號蔭從天性純篤幼育於曹家計日寤矢志彌堅讀書每以草節一升爲度素蔬經登鄉薦更治麟經登萬曆丙戌進士授司理擢主事權務關通商惠賈上不誤國下不病民宦囊泊如也當事者嘉其廉幹擢兵備副使

張中侯字省鵠萬歷壬午舉人早失怙母氏和熊允鞠
育及長丰格端凝讀書卽解大義識者咸嘖爲公輔
器未幾得侍清淡自適好施予凡婚葬不給者悉於
中侯是賴後授汜水令汜號瘠貧兼有河工中侯加
意拊循兩臺疏有惠政治千村弊情百孔之句

馬習元字佩弦萬歷丙午舉人任新蔡以愛民稱未幾
丁母艱服闋補林縣擢西城兵馬仕至戶部郎鞠躬
盡瘁卒於王事後闢寇毀州郡祠署習元祠在林縣
闡邑士紳父老泣不忍毀各輸金贖存

陳九疇字思野幼失怙恃育自伯父精徹星學按數當

大賈盛屬志萬歷癸卯遂登賢書授魯山令有循績
以卓異擢御史按山左彈劾略無顧忌鄒滕白蓮煽
亂九疇指顧平之敘功晉太僕寺少卿遷太常寺正
卿陞刑部左侍郎蔭子入監乞致仕馳驛還里常刻
哀了凡陰陽書行世

任亶李字厚卿萬曆戊午舉人才性高敏胸多異書司
李李繼貞每奇之曰此河朔鷹揚及鄉薦典教蒲州
時山陰王驕每虐士亶李力抗之士氣頗振庠士立
碑記焉由國學遷工部司務大司空以亶李才使攝
十三差亶李手揮目送耳聽口授案無留牘再轉虞

衛員外仍兼九差監修陵工查他陵餘輓數百萬計
省費萬餘大司空深獎之

司適疆字白鹿勿聰穎有雋才後舉萬厯癸卯鄉試授
新野令坐嘯治之游刃有餘尋擢徐州同知再遷工
部員外致仕歸日聚客酌觴高歌自適

馬賓和字佩韋繇恩選被薦舉授隴西令性坦率正直
篤於孝友在官聽訟治獄多所平反全活者衆二子
昌景自有傳

劉生楠字仲材副使光祚仲子趨談寡言笑繇廩生被
薦舉授真陽令有惠政士民感之卒於官

楊中科號沙西幼聰敏倜儻有大志弱冠食餽於庠卽
負文名首爲茅副使坤所賞識讀書天雄書院一時
同學皆推重之由恩貢初任兵馬指揮進階判常州
以詩文見忌左遷南昌尋擢鄭藩司理宦遊凡二十
年皆冷曹散地莫展其才及歸田徜徉詩酒約三五
老成爲耆英會壽躋耄耄猶及見緒孫領鄉薦有沙
西吟等集行世

黃志士號成山賦性狷介由例貢任壽光縣丞潔清自
矢儻錢外一介不取陞陝州判弗渝前操然性不樂
仕告致歸里邑人咸高之

楊問奇字載公號元伯藩府司理中科之孫登天啓甲子賢書任新野交城二邑令同知太原彰德二郡陞慶陽知府歷官至陝西肅州兵備副使所在有賢聲任新野時作養寒畷彭而述成進士登翰苑其子始搏亦以名進士歷陟閣部世載明德圓形設主祀於家問奇天性孝友歸田盡出宦囊與兄弟均之他若窮人無歸給庄地贖養率以爲常有以田產售者欲逃亡他鄉亟反其業不責償其盛德類此

馬昌字新周號田白隴西令習和長子性耿介不隨時爲俛仰潛心理學與弟景俱爲邑令張沐徵君孫奇

迺所器重。歷覽羣書。學問浩博。爲文洋洋灑灑。沛若江河。所著有孝經宗正傳。註宗法指南。錄寤歌存餘善信集。義錄諸書。家居孝親。生事死葬。靡不盡禮。旣終喪。饋獻如平生。事亡如存。終身不替。由歲貢生。司訓懷柔。率化有方。學舍蕭然。僅以僮僕自給。年八十餘。卒於官。景字介爾。爲伯父習元後。有文行。本生父白隴西。棄職歸里。宦囊如洗。值闖賊。遺禍。兄昌代父受驅。繼景竭力辦納。負債千餘金。出已業以償。景早食餼於庠。因成貢。以例停爲齋長。七年見義。必爲黃邑。舊爲小庠。首倡請改中庠。邑人至今稱之。

黃本訥字漢型康熙丙辰進士授太原令廉介多惠政
頌聲徧於隣邑遇事有擔任凡不便於民雖忤上官
意弗恤也邑有廢河一道以洩汾水壅塞已久清源
詳請挑濬刻日興工多損禾稼本訥詣上臺力請緩
期不得乃諭里民曰挑濬難緩余姑爲爾任咎稍熟
卽獲須急公勿誤民咸踴躍從事不日告成較鄰邑
爲先榆邑兩村構訟不決赴上臺請批太原審理至
其邑輒平反之兩村帖然丁卯分校晉闈咸稱其藻
鑑之精已巳告休百姓乞留不獲及歸送者數百里
外絡繹不絕

董極字羲林號西園康熙壬子拔貢授平谷教諭董戒
維殷陞國子監典籍丁艱後卽告休不起家居雖燕
闕容止必修飭常數月不窺里閭親朋唁慶擇可而
往以學行兼優位鄉飲大賓者三年九旬猶手不釋
卷一方奉爲文獻上憲暨郡邑咸旌其門林下優游
四十餘年壽九十有四而終

周易字乾齋號岐園父丕顯見文苑舉康熙癸酉科禮
經魁家居讀書課子不與外事數上春官不第除長
清令勤慎自勵潔已愛民興學造士躡屣垢弊循聲
播遠邇勤勞過甚以疾卒於官邑人巷哭柩車之歸

也致奠隘者相望於道復合詞請祀名宦

黃之衡字平倩號耐菴少敏悟悅學爲文根極六籍勃
宰理窟丁丑歲選拔厄於數三薦不售居平課弟若
子之徵早爲孝廉爾昌爾庸皆以成均選後學經其
斧削率多成就齒德兼優邑人奉爲楷模位鄉飲大
賓者再晚仕長葛司諭卒於官中書舍人陳大玠爲
誌其墓

傅元字長善幼穎異入鄉塾迥別羣稚以春秋薦賢書
登康熙癸巳科進士奉

旨入翰林院學習歲餘乞歸養卒於家

楊炳字虎文虎項猿臂技勇絕倫作文雄壯下筆立就
中康熙壬辰科武探花授

御前三等侍衛以親老告假終養優游園圃彈琴賦詩以
自適焉

張允端字灼然都憲問行五世孫紉沈靜不好戲謔繼
母病隆冬思食桃徧索園丁不得行經林下忽於敗
葉中獲之人以爲孝感所致康熙庚午登賢書授餘
姚令塗中聞旱卽竭誠以禱雨隨車沛虞宦街火沿
燒民居允端拜之風回火熄其誠能格天類此姚邑
積逋成風前任多以是株累允端潔以愛民民不忍

負而租欠頓完癸卯分校泚關省元出其門號稱得
士以弗當上官意被劾歸

黃之徵字誠情號毅菴應童子試邑令卽以大器許之
篤於孝友師事長兄之衡以文章並雄一時領鄉薦
猶未弱冠初令信豐再補婺川署理思南郡所在持
大體以旌節孝敦教養爲急務不尙刑名操切術時
苗民蠢動憲委判軍前度支有法深得軍士心丙午
分校黔關省元出其門保舉貢生林樞歷河陰孟縣
尹稱賢令晉秩西掖恪恭厥職丁巳禮園對讀寢食
不遑監試嘉其勤勞

黃勳字建伯順治初年任賓州吏目性剛嚴有智略甫
蒞任上寇猖獗州守憂之勳佐以繕城池練鄉勇爲
守禦計州賴以甯士民列入賢祠崇奉之丁艱歸高
蹈終身邑有大事歷任縣主多所商酌教家嚴而有
法其子孫繁衍皆聲振士林而幼孫廷任尤傑出焉
穎悟好學一覽不忘弱冠食餽廩兼工各體書法琴
詩自適爲諸先達所器重一時咸推庭訓之善云

黃慎謀字省忠由掾吏仕廉州白石場鹽課司性剛直
廉介抵任力罷查竈陋規商夥譚方賢盜賣公館厥
鹽斤事覺浼邑生李某賄請慎謀曰我豈以暮金獲

國法哉卒詳正其罪郡守嘉其廉幹多委政焉卒於
官貧不能歸子庠生守任淹恤三載卒能跋涉反輒
於萬里之外人咸稱其有子焉

黃滄字又嘉號梅園嘉慶甲子科舉人天性淡泊不樂
仕進好讀異書學問淵博孝悌克敦內外無間言中
年設教鄉里出其門者臨漳舉人馬康衢廣平舉人
趙鳴盛其最著也餘由歲拔貢登仕版者有人列膠
庠食廩餼者更多所著梅園詩鈔與兄金醇白詩稿
媿美

林煦字和菴道光庚子歲貢詩文擅絕一時兼通曉風

鑑其時邑內文風頗衰勸邑侯重修 文廟改建
奎樓填塞宗家岡缺口疏通永豐渠水道移橋杜徑
皆復古制次年戊午登賢書者二人列副車者一人
文風由此漸盛因作長律紀事詩序載入藝文

卞正友字公宇廩貢生沈靜寡言待人寬厚任開封府
鄆陵縣訓導一切費案印卷費隨人自便未嘗貪取
分毫每年家中送銀數百兩濟用兩邑文人學士無
不仰其儀範

邢承德字延善副貢生品學兼優望重閭里任歸德府
柘城縣教諭致仕後周急憐貧買物放生鄉人立有

碑記

李心一字德凝北門口邑增生性好學勤於講求及門成就多人嚴課子姪鶴元鶴翔均入邑庠同治元年髮逆屢次圍城督同練勇隨官守禦著有勞績讓而不居子鶴翔由廩生以守城功保舉訓導

張文燭字郁齋明都御史張問行十一世孫也幼慕貧枵腹讀書不受餽遺食餼後勦辦捐輸議叙授商邱縣訓導時值咸同之際捻逆擾亂奉委團練鄉勇護守城池異常出力保舉藍翎知縣復奉委驗收草料因辦公勤慎保以運同銜直隸州知州升用嗣授浙

江常山縣知縣該處有溺女火葬惡俗稟請上憲愷切諭禁百姓始悟前非多年惡習一旦盡革紳民感戴立長生牌於邵夫子祠以祀之旋調補德清縣知縣該處錢漕甚巨兵亂後民力未蘇應完錢漕均係差墊百姓深受勒索之苦文煇曲體民情稟憲將差墊積弊永遠裁革其後以勞績保升花翎知府未及選缺年七十以壽終論者謂文煇貧則有守仕則有爲好義急公善俗剔弊實有過人之才未竟其用而卒至今談者惜之

邵亭字蔭棠石盤村人天資穎悟學問洽博弱冠採芹

食餼設教多年成就人才甚衆甲戌恩貢爲人度量寬大仗義疏財因邑中公事賂累數百金毫無怨色晚年博覽醫書存心濟世與談岐黃者無不服其精妙遠近就診門前車馬不絕

田澍字時雨南陽瑯人咸豐戊午副貢資學兼優書畫並美誨人不倦及門弟子成就最多子姪均有聲庠序和睦宗族周恤鄉鄰品誼純粹同時莫不敬慕

馬興家大固縣人由監生以勞績保舉五品銜元御史中丞河南行省右丞諡文貞公十八世孫也內邑地多沙鹹差稀繁雜官民兩費不便興家稟乞豁免蒙

河北道蔣河北鎮崇府尊戴邑侯杜批示准行訂立
章程一邑均感其德咸豐十一年東匪之亂興家倡
練鄉勇禦賊屢次與賊接仗皆獲大勝同治元年賊
氛未靖興家復會集紳耆議築寨於東莊鎮以爲捍
外衛內之計自是土匪與賊匪皆無從窺伺

忠義孝悌

隋

華士秋

宋傳五察

明司五教

王三宅

史五常

崔克昇

國朝

司九韶

傳見鄉賢

列傳

華秋臨河人幼喪父事母以孝聞家貧傭賃爲養其母

遇患秋容貌毀悴鬢髮頓改州里咸嗟異之母亡遂

絕櫛沐毛髮盡脫廬於墓側負土成墳有人欲助之

者秋輒拜而止之大業初調狐皮郡縣大獵有一兔

人逐之奔入秋廬中匿秋膝下獵人至廬所異而免
之嗣後此兔常宿廬中馴其左右郡縣嘉其孝感具
以狀聞煬帝遣使勞問表其門閭會郡盜起常往來
廬所咸相戒曰勿犯孝子鄉人賴秋以全活者甚衆
國朝雍正二年祀忠義孝弟祠

傅察字公晦中書侍郎堯俞從孫也年十八登進士第
蔡京在相位將妻以女拒弗答調青州司法叅軍歷
永平淄川丞人爲太常博士遷兵部吏部員外郎宣
和七年十月接伴金國賀正且使是時金將渝盟而
朝廷未之知也察至燕聞金人入寇或勸毋遽行察

曰受使以出聞難而止若君命何遂至韓城鎮使人
不來居數日金數十騎馳入館彊之上馬行次境上
察覺有變不肯進曰迂使人故例止此金人輒易其
馭者擁之東北去行百里許遇所謂二太子斡離不
者領兵至驛道使拜察曰吾若奉使大國見國主當
致敬今來迎客而脅我至此又止令見太子太子雖
貴人臣也當以賓禮見何拜爲斡離不怒曰吾與師
南向何使之稱凡汝國得失爲我道之否則死察曰
主上仁聖與大國講好信使往來項背相望未有失
德太子干盟而動意欲何爲還朝當具奏斡離不曰

爾尙欲還朝耶左右促使拜白刃如林或掉之伏地
衣袂顛倒愈植立不顧反覆論辨幹離不曰爾今不
拜後日雖欲拜可得耶麾令去察知不免謂官屬侯
彥等曰我死必矣我父母素愛我聞之必大戚若萬
一脫幸記吾言告吾親使我死國少紓其亡窮之
悲也衆皆泣是夕隔絕不復見金兵至燕彥等密訪
存亡曰使臣不拜太子昨郭藥師戰勝有喜色太子
慮其劫取且銜往忿殺之矣將官武漢英識其屍焚
之裹其骨命虎翼卒沙立負以歸立至涿州金人得
而繫諸土室凡兩月伺守者怠毀垣出歸以骨付其

家副使蔣璽及彥輩歸皆能道察不屈狀贈微猷閣
待制察自幼嗜學同輩或邀與娛嬉不肯就爲文温
麗有典裁平居恂恂然無喜愠色遇事若無所可否
非其意率然不可犯淡於勢利在京師故人鼎貴罕
至其門問一見寒温談笑而已及倉卒徇義孳孳如
此聞者哀而壯之時年三十七乾道中賜諡曰忠肅
國朝雍正二年祀忠義孝弟祠

舊志曰金侵宋時慷慨死義者劉待制李侍郎之外
僅見公晦烈哉芳名俠骨至今讀其傳猶覺有生氣
彼劉豫張邦昌叛國外臣犬豕不食其肉以視公晦

何如哉

司五教字敬先幼失怙篤學力行慷慨有大志以經
分訓內邱崇禎戊寅畿南州縣被兵邑城獨存五教
守禦之力居多且以奇捷聞撫按敘功擢城固令清
廉醕謹不作赫赫聲癸未冬闖賊李自成據關中安
置僞官郡邑望風而靡五教以大義激士民嬰城固
守有劣生遊棍密謀內應五教察知卽梟之堞上邑
人震服十一月十二日賊渠田見秀擁衆逼西郊五
教令發礮擊傷數賊乃悉力來攻閱四日力盡城陷
被執賊帥逼之跪五教厲聲曰朝廷命官肯爲爾賊

奴屈耶索印曰印還大明天子矣賊怒遂遇難臨死
神色不變惟呼蒼天數聲

國朝五教長子九鼎赴

闕陳其事下部議恤順治三年次子九光方弱冠負櫬扶
母跋涉歸里邑人稱其有後城固士民請於上憲祀
名宦祠雍正二年祀忠義孝弟祠

王三宅字居鼎號六如生而穎慧秀拔見者目爲璧人
出就外傳日誦數千百言及補博士弟子每試輒冠
其偶萬曆庚子登鄉薦癸丑謁選得襄陽司李襄於
楚稱劇郡訟牒填委三宅不務苛察多所平反丁內

艱服闋補青州未上復丁外艱既禫入都門聲稱籍甚秉銓者以重慶爲古渝州扼楚蜀子午道蠶叢澗瀨夙稱天險又雜近苗人慮反側不易制非其人莫可任理遂疏名以三宅往至則平允豈弟一如理襄陽時上官皆倚重如左右手會蘭州酋奢寅因徵兵逗遛重慶鼓衆大噪戕殺中丞監司以下若干人三宅爲亂兵刃中其顛從者昇之匿民舍創重不可療越數日遂卒時年四十九渝人哀哭如喪怙恃事聞被恤恩贈尚寶司卿廕子爲世襲百戶新野馬中允之騏爲墓誌銘之騏弟戶部郎之駿爲碑記

國朝雍正二年祀忠義孝弟祠

史五常父萱洪武間任廣東僉事病卒五常甫七歲母以子幼囊空不能扶柩還遂權厝攜五常歸每論之曰汝父歿時棺中置大錢汝謹識之俟汝長成尋骨歸葬五常事母至孝不忍去左右及母歿乃入廣中求覓歲久迷失所在旦夕號泣顛天見者無不流涕已而臬司諸僚聞之命所司物色竟獲骸骨并大錢如母言以禮殮櫬官給舟車歸葬祖塋去其父歿時垂五十載矣仍廬墓三年正統間有司以聞詔旌表其門

國朝雍正二年祀忠義孝弟祠

崔克昇幼以孝聞洪武中父邁疾醫不能療取糞溺嘗其甘苦以審重輕病得瘳後母歿哀毀過禮葬畢去家百步結茅與父同寢處躬造飲食奉養以跪進如此者十有六年父年九十九卒朝夕號泣跣足負土築墳廬墓三年宣德間有司上其事詔旌表其門

國朝雍正二年祀忠義孝弟祠

以上崇祀忠義孝悌祠

國朝 劉焜

黃豹文 一人忠義

唐 李文綢

宋 陳瑛

明 黃流

籍馨芳

谷萬甫

袁隲

劉本善

張貽吉

黃鳳文

國朝
張肯堂

黃本冕

程正儀

黃駿文

樊之屏

王衛

李滋

王良牧

張承載

王玉生

宋之賢

張寵佑

王澤九

祝不選

以上孝悌

王士俊

傅超

二人續增忠義

卜憲珠

王心田

王志富

吳殿選

李鳳春

田景沂

邵時魁

楊萬清

胡德安

徐良臣

馬雲

尹逢庚

陳文林

以上續增孝節

列傳

劉焜副使光祿嫡孫幼入大學豪爽無俗韻
騎射居家不治生產延納名士門無虛日
土寇破城焜侍母側賊迫脅之欲引去此
夏子孫肯同爾作賊耶遂自刎邑人屢稱其烈未報
可今北郭玉皇廟前有碑題曰義士劉焜自刎處
黃豹文字于變父名士見義行志豹文秉性剛直順治
元年土寇破城豹文在鄉聞變急赴城省母甫入郭
爲賊所脅給之曰俟省親後從汝賊信之旣歸闔家
已避去恐爲賊挽遂自縊

李文稠臨河人。事親居喪著至行。見唐書孝友傳。

陳琰臨河人。進士。及第。累官監察御史。父喪哀毀。積木連理。歷京西河北轉運副使。積遷至尙書郎中。

黃流歲貢生。任堂邑訓導。嘉靖丙午。居母喪。哀感過禮。

三年。足不至寢室。父病醫藥罔效。流日夜竭誠請禱。

神告以菖蒲。急取進之。果愈。人咸驚異。以爲孝感及。

父卒。流年已六十。衰毀如喪母時。事繼母甘氏二十。

餘年。終始無間。且爲母家置常稔之田。不使母有遺。

憂。後卒。喪亦如之。時人不知其爲繼母也。宗人亦哀。

子貧不能自活。流爲置產娶妻。弟源早卒。遺孤三。長。

七齡次三齡次尙在襁褓流撫育訓誨無異已子曰
曰吾一子三姪合爲四四分給之其孝友慈睦如此
教授生徒數十人半取科貢成名及卒巡按御史喬
廷棟扁其門曰孝追古哲後以子吉士贈行人復贈
監察御史

籍馨芳朋固里民痛父早亡卽坐寢墓中晝負土起墳
夜焚香柩側誦經三年鄉人共迎回家

谷萬甫母張氏病思肉暮夜無可市者張病勢甚急甫
乃割已之胸肉徑寸以進炙尋汗出病減知縣孫繼
先扁其門

袁隲母鞏氏病屢醫不效忽一夜思肉炙時屠禁甚嚴
市無鬻者隲乃割股供之病遂愈知縣王麟趾扁其
門

劉本善家四壁立而性篤於孝居恆以色養稱母魏氏
疾危思肉本善力不能供遂割股以進病漸損知縣
徐成楚旌其門

舊志曰孝在立身行道揚名後世而蚩蚩之民多以
割肉廬塚當之此儒者所不道奈何列於會閔之林
乎余謂世靡俗澆銜索返哺之風不講久矣與其過
而數之甯過而存之割肉廬塚亦賢者之過耳不道

賢者將道不肖乎黃邑孝子豈鮮中行然過者幾不
少余爲並志之以厲風波之民

張貽吉字又省汜水令中侯之子厚重寡言綽有父風
秀水卜萬祺一見卽器重之曰酷似宣城一日從父
之官道病貽吉驚愕無地延醫百里外籲天祈以身
代及卒號痛悲哀洒淚成血終以禮葬居喪不見齒
者三載貽吉生於杜母養於王母杜早逝事王加恪
王素不苟葷每求甘美進之及疾侍湯藥必嘗逾久
未嘗少懈疾革凡笥篋之物必請所與尤人情所難
者以明經未仕卒其子肯堂肯播並以孝聞諸孫恂

雅有文名咸以爲孝行之報云

黃鳳文字于誥廩生賦性端方雅重自持事繼母以孝聞少遵庭訓勤必以禮終身不二色兄龍文卒遺二孤甫襁褓撫育不殊已子至一切殯葬之需皆自己出凡兄所遺資胥封貯一室俟兄子成立盡歸之視異母弟麟文鵬文尤友愛無間云

張肯堂字敬籙歲貢生學行並茂明季土寇陷城扶父貽吉逃難路遇兵左右厥親誓棄子弗顧後及弟肯獲被虜亂離中保護倍至日以親老無倚哀求之詞氣愿款有足感動人者越數日兄弟俱獲釋且授不

厭逮一語爲避兵計及歸迷途軍中復馳馬示之人
以爲積德天祐競隨所至每遇兵令衆呼所授語輒
捨去賴以全活者甚夥肯堂善閑家一門五世雍睦
年九十一授平谷司訓多士矜式半載告歸屢位鄉
飲大賓卒年九十有四弟肯播字纘籙伯仲白首相
友讓課子若姪不事奔競以明經應試卒於京邸肯
堂子曾蘊邑諸生亦以孝謹稱

黃本冕字服先增廣生性仁孝遭明季亂離扶母逃難
雖極搶攘左右厥親不忍離執親喪哀毀盡禮人稱
其孝

程正儀字去忒弱冠入庠孝事父母親歿廬墓終喪明季土寇蜂起賊露刃脅之曰汝從吾則生否則死儀曰吾讀書人死則死耳肯從爾作賊耶賊去之弗爲害厥後壽至八十而終

黃駿文號念實豹文之弟襁褓失怙比長值兵荒竒變豹文殉義駿文竭力供甘旨凡所以慰母者無弗至母卒年已衰老哀毀骨立曲體母意扶兄遺孤本良及孫之循倍加軫恤俱克成立六十年弗忍分爨爲舅氏置田宅且婚配其子若孫邑宰王領士有睦推錢氏忍說張公之贊生平重義輕財其在彰郡郊寺

見遺金數百候還故主絕口弗言後以孫之微貴地
贈文林郎

樊之屏字鼎鉉歲貢生爲人若渾金璞玉德行文章稱
一邑之望夙敦孝友宗族鄉黨稱之無間言邑人公
舉孝行按院邑令屢旌其門

王衛字仲閑天性醇篤爲諸生有大志恥讀秦漢以下
書遭荒疫母兄俱逝弟弱姪幼棄舉子業竭力色養
事父及繼母以孝撫孤姪如已子邑令張沐旌爲一
門孝友子良遂增廣生學行亦能繼武自號迂齋居

士

李滋字慈霖中順治庚子科舉人天性孝友嫡母王撫之少恩愈加孝謹無纖介不平意其持已嚴正待人謙和迄今稱盛德焉

王良牧字慈侯邑庠生延川令萬選之元孫善養親志祖及父俱喜交遊每宴會必豐具珍羞躬承使令始終罔懈祖父母與父相繼棄世竭力殮葬泣血骨立有寡孀胞姊母舅三族值兵荒後貧乏不能自存良牧咸收養之延師訓誨婚配以時待其成立復割己產數區以贍不足治家嚴肅閨門寂如年六十母在堂飲食必請所欲戒飭卑幼母至輒改容子孫間有

所往遇不相識者道其字咸敬禮焉子達造明經克
敦孝友終身不忍析箸亦克承父志云

張承載字厚如歲貢生事父母以孝聞母歿與父同寢
二十餘載解帶滌瀾終無少怠遇忌辰則懸圭正寢
以祭每出入必告於主設絳授生徒多所成就所著
有四書講意人爭寶之

王生字衛公邑庠生生平孝友親歿廬墓三年負土
成墳督學獎異之

宋之賢太學生邑北華家營人奉父母以孝聞及歿盡
哀盡禮三年內朝夕詣墓拜掃風雨無間閭里咸敬

禮之

張寵佑家世雍睦祖平谷嗣導父庠名諸生昆玉四人
伯仲季皆列黌序寵承父命督理家政仰事俯畜餽
遺往來悉資其需畫自總角後勤儉孝友尤無間言
邑令李惇嘉其懿行隆以豆籩之儀以爲邑之父子
兄弟法

王澤九居樊村本里閭細民極糶時其父爲同族王寶
所殺署邑令斷償以財而贖其死其祖灑淚收金歸
呼其婦張氏曰吾攜汝夫來矣婦驚視之則白
十兩也泣曰此誠吾夫一命所易家雖貧心食

幸有此塊肉在請理之以待後圖翁曰善矣九種
長告之誓以死報恐弗密寔成謬與賓親善人竊笑
之賓亦以爲忘乃父也弗之備一日邀共飲頓酩酊
攜出野四顧無人乃厲聲叱曰吾之刃礪久矣賊其
償吾父賓齧齧兔躍數步澤九遂手刃之立斃赴縣
自首邑令高清嘉其義許請以父讐不共戴天免償
追發原金依然故物益加贊賞當雪仇時年二十七
其祖其母猶及見之

澤九之孝其可旌哉以里巷細民自切遠長知切齒
父仇又謬與親善俾其不備而得聞之可謂志堅

而謀深矣乃其母之賢節尤不可及矣埋金黃土矢志後圖卒使孝心堅挺雪恨九泉刃剽仇胸金還故物何其壯也嗚呼不有是母亦何以得是子哉

祝丕選本文姓祝爲山之族外孫也甫二齡父亡母嫁孤苦伶仃爲山撫以爲子稍長其叔誘之歸選不忍背後爲山夫婦年老一貧如洗選挑水爲生以養之惟其所欲莫不承奉孝行聞於閩里邑侯陳錫輅李慎屢給錢穀旌異之

異姓承祧弗合大義例不應載但念丕選一愚氓耳而於義父竭力養志如此彼有三年之愛於父母而

不知孝者視此豈不愧哉故破格載之以爲爲人子者勸

王士俊翟野羊村人咸豐十一年東匪擾亂士俊在北流河與賊接戰手刃數人久持力盡次子兆禎見父勢危奮勇入圍護救同時力竭陣亡

傅超西史村人武庠生同治六年張總愚之亂除夕之日賊匪突至村人未及逃避超與子三光率領村人奮勇抵禦奈寡不敵衆氣竭力盡父子同時遇害一村被殺者四十九人超胞弟起痛兄與村人受害最慘因修堡寨以保身家

奉祀生卜憲珠先賢子夏之裔礪頭集人咸豐十一年
山東捻匪入境闖村逃避生負父昭文行出村外猝
與匪遇哀祈不應父子俱被害

王心田丁庄人流庄李寶德之妻李氏子也寶德夫婦

將北遷以

心田與王氏
爲嗣成立後

思生身父母渺無音信時常

悲嘯祈禱呂仙乩語云坎方高處求卽備資尋至京

北昌平州三間房始相逢焉父母爲言遷居時途中

生二子皆與他人爲嗣後復生二子一女仍貧窮難

養又將少子與人指名某在何處某在何處住數日

接母回歸途中遵照母命往尋諸弟皆得見面詢明

姓氏書立家譜五姓同宗及至家孝事左右頗得母
歡月餘母思北返心田爲置四季衣服並備白鏹親
身送母至昌平州歸家後懸想成疾半載而歿闔里
共稱其孝

王志富碾頭集人母張氏病重服藥罔效一日思食肉
猝無所得遂割胸前肉以進病隨愈隣里共稱其孝
吳殿選碾頭集人素有孝行母董氏病重服藥罔效一
日思食肉適天旱斷宰殺遂割脰間肉以進病卽愈
李鳳春東張保村人父早歿事母至孝家貧雖疏食菜
羹無不承歡母卒春哀慟過甚幾不欲生有外祖母

窮獨無依春善事之遭東匪之亂以小車推之避難
外祖母死爲之塋葬立碑又於二十里內路旁之井
皆置汲水繩器以便行人偶被瘋狗齧宜忌麻犯之
者十無一生春未忌亦不爲害咸謂好善之報

糜膳生田景沂南羊塢人父早卒事母至孝母雙目失
明奉事罔懈及母病親侍湯藥歷時雖久毫無倦意
邵石魁石盤村人母病將死意欲食肉時值斷屠割左
肱肉佯爲豬肉以進終不令母知

武生楊萬清楊流村人父病服藥不效意欲食肉時值
祈雨斷宰遂割左肱肉奉食不使父知病卽愈

胡德安前趙村人係莊農秉性至孝繼母步氏病染癰
癩舉動維艱夏負涼所冬負暖處二十六年絕無厭
心朝饗夕養係親手自進現今二子一榜入庠莫不
歎孝德有報

徐良臣宛庄人與妻楊氏善事雙親父早亡哀禮兼盡
其母年邁體弱良臣夫婦盡心奉養飲食寒煖無刻
不繫於心母病侍奉七月有餘毫無倦容未嘗解衣
而卧卒哀慟過甚兼勞苦日久夫婦俱病數月方愈
咸謂同心盡孝實當時所罕見

馬雲字步青西台子頭人邑增生書畫文藝兼優教讀

米相助必正色卻之曰不勵清廉是貽父母羞也遠
近咸稱孝焉

米相助必正色卻之曰不勵清廉是貽父母羞也遠
近咸稱孝焉

咸同年間遭髮逆擒匪之亂城鄉圍練陣亡諸忠義

姓名

東庄寨同心局陣亡姓名

武生

趙金科

監生

黃明興

張占恒

丁村

燕銀書

城

燕雨

陳起貴

七畝

黃一培

石銀柱

南張保

石方

石中立

吉有用

盧文會

蘇磨

崔遂元

崔遂元

崔萬全

王四

陳胡教

位

魏秋成

魏保柱

魏狗不亨

王白茶

馬張文學

李二怪

李夫臨

張岐山

張磨

吳雙成

碾

袁怪武

董換成

吳得才

卜懷玉

毛祿

鄭連

王朝盛

孫俊 王朝柱 焦士用 李金葆 李合

吳德 安鳳魁村張發春 宛丕子 宛福

吳好禮 王二狗 邵文秀 劉習功 李生魁

胡丕士 胡鳳岐 崔立樹李三 田七

宋天和 孫應林 許得謙村郭永貴 李鳳岐

許士榮 吉旺 鄭謙 盧振方杜盧海

張問政 樊遜讓 李魁 張大海 張六集

張俊 王韻 王德明 王天中 王天祿

劉根枝 李二禿 黃考 鄭莊 鄭永年

鄭天祥 黃化行 王和 黃年 王景

鄭祥 鄭起 黃永太 王永順 王法孟

王國平 王國太 曹得邦 曹得永 曹文重

王振江路 袁喜成 任鎖 郝八 張鳳

李三磨 李旺林 劉保安 王保佳 焦黑凹

焦起元 焦大憨 李春 劉錫公 王假妮

邵文秀 李元成 劉花狗次 劉大本 劉玉書

劉朝清 劉恩耕 蔡虎 董清彥 郭金堂

李法才楠 李俊 尙五 呼克花 于玉石

王秋志楠 王遠清 王兆祥 王思敬 李黑

劉華福 王貴良 卓愆玉黎 卓良玉 余旬

董金貴

後寨

李肯吃

董滿場

劉文遂

七級

李富有

趙合

趙秀

李二禿

龍

李法

陳六妮

流村

牛士英

里機

牛如報

牛得用

尙永安

袁來望

頭嘴

王元中

馬井

張傑升

孫村

左遂成

西里

左歡成

段隨書

西里

馮馬柱

張敬

馬集

張三牛

善儀

李振起

孟嘉善

杏園

劉萬成

劉屯

劉萬春

丁文

蔡村

谷鳳林

何耀環

鄭一黑

鄭屯

陳鐸

河道

孫廷幹

王鳴岐

趙黑小

趙庄

李和尚

院子

李謹勤

董庄

李望林

謝貴成

字馬

韋蔚

草坡

魏學會

石盤

盧七

王尉

蘇石玉

崔遠

王法

高固

趙天成

土嶺

米萬章

趙天林

趙興狂

王玉成 黃金章 黃凌雲 黃繩祖 秦玉成

郭運城 楊春花 高來 王天興 崔進財

劉青雲 張讓 張蘭亭 黃有才 劉鳳閣

胡馬 張武城王侯三禿高侯建業 尹克法

劉喜成 趙來成 張月 張士興 張二成

劉十成 耿成龍冉馬頭林秦生花 孫雙喜

胡四 王心順 司八 李永年小王高

蘇守勳 李花春 吳正歲 胡四 邵金重

李大士 張代海 楊九 李冠 徐三元

樊玉林 王純新孫雙喜 郝法 宋報

內黃縣志 卷之三 忠義 三 百四

王百 馬萬選 宋士林 馬萬選 宇文山

王三 謝景成 吉頭韓村 許義 王喜

鄭廉 盧鳳喜 黨萬祿 楊庭柱郭鳳林

吳好禮 宋三 趙住 王三妮 高俊

郝九舉 王二胡 張學武 和貴 馬二登馬庄

王金城王九如 黃夢庭 吳頭 黃夢蘭

鄭冬 王金和 王玉鳳 王國濂 鄭驛

關學舜 張愁 劉臭機齊 頭 閻繼興

曹日省 孟花成 王繼成 梁玉書 孟天祥

張文于 劉明岳村 王應魁 劉法天

李鳴皋

段好平

王林

石林薛

旺

張

李

李

邵永安

蘇秋成

壹一小

王大麥

楊大黑

李登庭

馬

張和尙

東董懷心

劉法禹

楚旺寨長勝局陣亡姓名

侯福成

高朋斗

王興

來同林

岳智

岳文賢

貢生

宋承平

國元昌

趙俊

宋家彥

王

谷三

王天一

馬萬山

程茂林

王合

鄭殿波

任德

張吉林

張仲元

營兵諸寨陣亡姓名

喬凌雲 喬培樓 李進 于聚 張鳳

李馬 劉好忠 劉好仁 王如阜 王三臣

王假妮 李國棟 營 燕大敬 吳邦選 賈元化

沈可均 郭金堂 王國良 丁文 何玉寶

谷鳳林 王永叔 吳建 趙建魁 王文俊

陳國太 王應魁 王璧 李勳 黃雲亭

黃百川 李榮先 黃 出師至山陣亡

周文佩 東門經 武生張丕智 南善村人與賊

張定邦 北門人在清邑 賈西峯 常小旺人與賊接仗身亡

庠生邵宗濟 童生邵楠 石盤村人與賊戰於善儀店寨外身亡

賢裔卜憲瑜
礪頭寨人在清
邑焦夫村陣亡

義行

明
馬鐸

鄭寬

馮本

宋銘

劉全

李允

張廷爵

以上七人合傳

張威

王以誠

黃名士

劉彥譽

裴之翰

魏敏志

國朝

王良翼

李柰

劉文鳳

子師曾

董自道

黃本潔

從子之循

劉際可

黃生榮

李含光

郭祚養

王端

黃立

陳熾

司天成

胡藝林

張可祿

石本立

岳太

高允修

趙六德

李榮春

華鴻恩

列傳

馬鐸鄭寬馮本宋銘劉全李允張廷爵俱以成化二年輸米四百石奉旨豎坊旌表

張威忠厚善積貯嘉靖七年奉詔輸粟賑饑名列義官邑令石銘給冠帶旌其門

王以誠萬曆二十三年輸地二區一在北郭外修建常平倉一在演武場有司以義匾其門

黃名士字叔聘禮部儒士切孤事母張以孝扶弱姪以慈尤樂周恤族黨貧不能葬娶者胥賴焉歲荒煮粥食人全活甚衆時邊餉告缺下詔捐助名士慨然輸

金獨多直指語邑令龐尙廉曰予歷四府州縣俱有
所旌克稱者惟黃君一人孝友旣敦且多義舉後必
食其報乎子豹文載忠節駿文載孝行迄今子姓蕃
衍率有成立人皆謂爲慶餘積善云

劉彥譽武生崇禎十一年輸穀三百石賑饑民按院給
善人匾旌其門

裴之翰邑庠生高堤集人崇禎十三年邑大饑翰遇荒
固窮不食嗟來以死里人義之

之翰事舊志載入編年似於書法未合今改義行之
內蓋能行善者義以濟人能全節者義以守已濟人

之義普守己之義高其歸一也

魏敏志字心顏太學生慷慨好義廣交游有古俠士風
明季兵荒待以舉火者無算有邑人杜村張某南趙
家庄楊某遇寇將被害敏志力為救免引至家贍養
之亂定乃令歸安業兩家子孫至今尸祝焉

王夏翼廩生康熙十一年捐穀八十石賑饑邑令楊輝
斗旌其門曰高義可風

李柰字黃實邑庠生也好善樂施康熙年間每遇歲歉
輒出穀賑饑又嘗市穀借給窮民至秋有來償者盡
輸公倉以備賑他若軫恤異鄉貧乏給銀米助婚喪

不一而足。應任邑侯。疊旌之。及歿。王公。穎士。爲之立傳。

劉文鳳。字九若。府庠生也。家饒於財。明季大饑。父廩生美譽。廣贖鄉閭。時土寇蜂起。戴恩者咸竭力代爲守護。得完家室。及卒。鳳年僅舞勺。恂謹雅飭。遵父志。焚遺券千餘金。念本村亳城爲南北孔道。村東舊有廢橋。復重修之。其完人婚葬。如劉文。曹光煥。盧培楠等。不可枚舉。迄今子姓彬彬。俱列邑郡國學。而次子師曾。慷慨義俠。亦能不墜家聲云。

董自道。李繼管。王月燦。俱東庄集人。康熙年間。歲歉。輸

粟賑饑邑令王穎士均以任郵風高旌其門焉
黃本潔字越塵名士孫庠生慷慨樂施克繩祖武康熙
王六十年太饑糴穀百石徧賑鄉鄰後復助修安懷堂
郡守以善士旌之從子之循字誘君庠生亦以好義
著稱

劉際可字遇廷監生樂善不倦地僅二頃餘歲計所入
可足用餘皆儲以待施每值除臘具酒肉徧邀比村
耆老不能至者親饋其門然心不好名適所施予隨
手散去輒都不復記憶有致謝者多忘其姓氏子孫
森如一堂五世年近八十嬰錄猶昔人謂積善之報

黃生榮字仁甫貢生性喜施嘗自建義學以造士遇歲
歉輒捐穀賑焉雍正十二年邑修安懷堂生榮輸助
百金督院王公士俊請給八品頂戴而旌其閭焉

李含光字耀如太學生性長厚言訥訥不出口遇義舉
慨施不吝邑修安懷堂助白金五十兩督院旌之又
有郭祚蕃者亦太學生也凡公私告匱施予不厭嘗
助修安懷堂郡守裴厥宅里曰克敦義行

王端字子貞性謙和由邑庠入太學歲歉輸粟百餘石
賑饑邑令陳錫輅建求慊書院端捐房一座郡守邑
令屢旌其門又有監生黃立字卓然以地介書院側

卽輸入公義弗受直

武生陳燠陳流村人乾隆五十三年歲凶捐穀二百石
以周里巷之急

耆民司天成南楊庄人道光二十七年大饑出穀二百
餘石爲合村給食三月活人千餘口村人送有樂善
好施扁額臨沒日鄉人流涕呼爲善人

胡藝林前趙村人妻王氏暴染瘋症岳父母頻勸再娶
不從至三十歲妻病小愈得二子而妻亡家道頗富
仍不忍續娶遇水患出貲造橋以利行人設立義學
成就多士筆墨紙張俱備其仗義疏財多類是

張可祿西郭外人業儒未成棄而爲商客有遺失衣服
紋銀值百金者張拾得而還之謝以金不受與以匾
曰拾金不諱

石本立李庄人獨出重貲於西郭外太山廟後建一石
橋曰廣濟以便行人鄉里稱善焉

岳太岳次范村人其性惡莠亂苗見害苗之草務必絕
其根株村之南地勢凹下大雨時行之際波水氾濫
湮沒田禾村人憂之聚衆商議除患之策太慷慨自
任謂非掘地成溝與永豐渠通不可於是二人爲首
衆皆爭先月餘而溝成雖有淫雨水皆順流不復爲

患至於修橋補路又其餘事

虞生高允修遷民屯村人光緒四年在荆張村設教有湯陰縣夫妻逃荒者無以爲生賣其妻以糊口其妻不從兼之隱不能言惟以頭觸牆求死高聞知此事出錢令其夫贖回夫妻叩首謝恩而去並不問其姓名里居

武生趙大德物兒頭村人孝事父母教堂弟以弓矢亦入邑庠家絕無私囊兼之排難解紛息爭止訟四十餘年合村無訟獄事凡四鄉有爭晝夜解勸必協和而後已生子一孫三曾孫三元孫一五世同堂家

規嚴肅少長有禮壽七十七歲猶康健若壯年救災恤惠志不稍衰

李榮春字東生楚王鎮人藍翎候選知縣賦性忠直作事慷慨咸豐十一年東匪之亂鎮爲賊破商民與附近村莊無處避難榮春首先倡捐修寨練勇以衛鄉里嗣被賊匪屢次入境均嚴整隊伍隨時防護鄉鎮得不受重害

華營村有養育祠義塾康熙年間華鴻恩入田地七十畝乾隆年間廩生華椿庠生華杆重修縣令廖公賜匾額光緒年間庠生華樹南武生華登高又重修

庠生華鵬程武生華鎮西立碑